



玄洲集 仁

五言古詩
七言古詩
五言絕句
七言絕句

~ 16
2400
1



2400
一五

鐘鼎書

昔蘇長公論文以孔子辭達一句為宗旨說者謂達者達其意也詞止於達不必宏肆奇麗之為尚是固然矣然惟物之不齊理之殊也意有遠近辭有險易自虞夏商周之文尚有渾噩詰屈之不同况由屈宋以來六家派分羣軌並鶩均之各言其志無闕於理而輪蹄之餘鼓遠揮豹之斑章采斯不亦文之至哉國朝敦尚經訓文辭爾雅韓蘇之文以近為範而秦漢諸家宏麗之体猶未備也逮隆萬以後作者數公一大振之唯時繼而和之者有袁洲趙公蔚為名家其學於古無所不蒐故其文於古無所不備上蹈兩

漢下籍六朝而亦不失孔氏辭達之旨既俯就場屋
大擅屠龍之譽其應製館閣之作皆倚馬立成而一時
諸彥莫之先也世方期以狎盟文囿揭旗鼓先多士
而沛有餘地美不韋仕不遇時浮沈州縣數十年其
有得有喪欣戚不平一寓於佔畢故其出不窮而語
益奇惜其天球弘璧翳鬱於蓬蒿沙礫之間徒使田
泯牧豎見其光恠而起駭之豈知為東序之珍照乘
之寶而承奉之哉今有克家二郎君得保遺稿於兵
火之餘叙次為帙以畱琬琰之傳余每讀而偉之就
評其略騷賦則步驟楚漢散文雜著則格法左馬

偶儻之篇則淦淦徐夔嚴律詩大篇廣韻則杜韓
馳騁之餘也揔之光景高朗材幹疎瑋其縱橫恣放
若不可畔岸而融化屈折各有體裁往情艷機動
境與神會若笙磬相宣而有遺音噫公之於斯藝
可謂富者之矣至於橙林時有朽株武庫不無剗
鋒古今大家所不能免而後生竅識妄生疵摘若
是者公已迥然任之矣公之所師友盡一世宗匠最
與深者吾東岳林父及石洲權公而疎庵任君為其次
公之文兼有數公之長而無偏至之目可見其大矣植
也材學晚進汨沒訓誥中年雖獲從公游荷一言之

提警其於古文大家常有望洋之歎不自意承乏
負乘血指詞掖豈非世道之慨也今二郎君索以序
引殆是以官而不以學佛頭布糞可無怍乎公諱續
韓字善述天稟絕人有文武材略其吏能之少試於下
邑者焯然有張趙龔黃之風其後於文章者蓋有
所本於乎惜哉年也初冬德水李植謹叙

古者採觚之家以作書稱之者
代者有之而詩文委異類多偏造
詞賦駢儷鮮克全美求諸輓也
又何寧之不於之業乎之難矣
竊觀有洲趙先生之所對立可謂

古往古之徒而今其美矣先生生
而秀發遠道不羣自髫髻季年
問已天稍長披翊千古博綜百氏擷
英贍渾播興起峻灑之不竭如陸
海之充羨調言璋璣間以詰屈

品猶劔閣橫絕重巖錯峙人莫
得以窮也一揆天冠而冠千人聲價
傾代薦紳公莫不推挹儕友
中切磨浸灌填荒迭和步石洲
東岳乃清陰相公又家親厚深居

五洲集
簡出而獨時與先生還涉遠近負
及之士嚮風接踵一皆進之而作興
之由函丈之間而闡魏科為闡全
北二雅以景奭之不才辱先生之提
掖每趨門墻輒呼先生讀書

聲時先生已以老師為老而重其
動於業必務愈氏之言曰用
功深者其收名也遠詎不信歟如使
鞭索中魚宗之哲一區未必不友讓一
頭而青真踏踏蜚不盡鞠金馬白

唐一書展潤色之古銅魚玉麟
徒著流行之家驥之終鬪牛
耳莫執嗟乎豈此命也豈非
命也有遺集詩二卷駢語一卷
賦與文各一卷諧言叶商高廷

李杜之風駢珠儷金優八盧駟
之室敷陳則執乎拘馬暴言
則根於韓柳奇而有致險而不
詭古人之所不能無者先生無
有之否心偉乎且喜修也真卓

翻之深得右軍之法武品可以威
敵而薄試於渤海之治繩何天之
賦材也若是其全矣而其施之也
少者慳焉乎噫向者重金疊紫
躍馬高衢其何限而磨滅殆盡

惟先生沒已久而名益彰豈造物
之偏先生不在彼而在此也先生長
胤龍宮使君公將梓文集屬余
引之而不幸以君奄物李胤學士
乞縣為任實宰如得剗剗之

先生書來去再三微序了甚勤余
於此烏得可悲且慨也先生庶游
皆已九京矣曷足托吁甚矣絳
帳之下此無字雲一侯色而之存
者以有慎副學天翔少余標散

代匱詞林猥當此事嗟余以
敢為又何敢不為且余有所感
矣先生嘗間住交河築少亭
於湖上命余記之以為晚歲之
期蓋陋舍亦相望也湖山依舊

人代已變撫迹對卷重為之增
勸也

歲金乙未秋七月武生明門
下原任領議以李景奭漢序

玄洲詩集卷之一目錄

五言古詩

憎蒼蠅

欲哭 二首

次鳴臯古劍韻

用山谷韻贈子漸

贈別羅秀才

守宮行

長冰坂

寄贈東岳

楊御史畫像

坦腹江亭

苦寒行 二首

贈趙怡叔

待漏院夢江東

挽任鳴臯

挽蘇子實

贈李昌期

戲贈尹景忱歌

願作冷秋菰

悼女

投龍巖

投九井峰

自龍巖投道岬

橋中對碁

哀荆軻

集靈臺

美酒無曲巷

五噫歌

圯下取履圖

急灘

曠遊篇

長安寺次便相韻

觀臘雉

七言古詩

邊山歌

混沌歌

大雪

朴淵歌

登挾仙樓歌

贈姜太初

送金亨獻之海南

種樹行

鼠偷卵

乞狗于宋君受

沙門島憶馬使君

美人行

贈而立赴嶺南

送李立之赴長興

銀臺玉盃歌

次倪天使韻

贈別鶴谷之嶺東

龍梭

醒酒花

視刁環

楊御史畫像歌

謁聖行

麥秋

山丹花歌

愛士癖

題相如滌器圖

詩成賜錦袍

玉舄閣

龜鶴亭觀燈歌

古查梅贈林處士

次清陰贈清陰

次贈疎菴

次疎菴早春行

贈淨上人

夢仙謠

椒泉歌

送李尚古赴日本

乞畫于李司果

漢陽俠少行

大同江雪馬行

再次疎菴韻

又次疎菴春雨行

長安寺贈曇老丈

五言絕句

古卉

次贈友人赴燕 五首

南農八詠

燈花

次淵岳諸公分韻

七言絕句

霧隱庵次壁上韻

題贈伯懼扇

追憶普光勝事

追寄翠娘

幽居千興

水滑石

牧場

兩陵

龍門山

大堤詞

秋夜贈吳子英

郡城曉景

玉峰舊庄

白巖十詠

釋奠日次示校儒

流鶯

次石泉韻

卽事贈金正字

早春

燈花

龜鶴亭有感 三首

長門怨

寒食

春日卽事

與子剛共酌

又贈別 二首

三月望夜賞月

妬花風 二首

三月念後睡起 三首

采蓮詞

新鷺

月夕懷洛中故交

西亭子贈權處士

田家卽事

次李內翰韻

次寄吳從事

濟民樓贈金壯元

韓別坐野庄

次湖西方伯韻

鳳栖亭

聞慶縣贈權秀才

留別李立之

白馬江 二首

泛稅浦

題晚省齋 二首

發全義馬上口占

漫興贈李士仰 二首

憶鄉

贈光州牧洪樂夫

金僉知江閣夜飲

在完山寄長城

浴川公館

題崔孺長幽居

贈邊幕府

遊仙詞四首

宮中四時詞

贈東岳二首

夜來風雨憶京第

題沈家茅亭

醉贈宋君受

聞兩元帥生降

走贈盤桓

次性敏軸韻

次敏玉軸韻

伴鷗亭曉吟

向葩串

雨中歸城

黃嶺寺

出洞別休兒

蒼石溪堂

次贈浮翁韻四首

鐵山

出府二首

下摩訶峴

莊巖

長安寺

正陽寺二首

孟夏小望

王照君二首

贈李負外

三龜亭八詠

花鴨

澗川

寒食

不知巖訪旅軒

題旅軒幽居

春晦即事

村溪秋日

斷鴈

僧李士特

新婦

落花怨效老杜體

樓巖草樓嘲主人

覆子容苦索強題

次畸窩韻

玄洲集卷之一目錄



玄洲集卷之一

門人慎天翊 攷

五言古詩 三十四首

憎蒼蠅

詩集

莫憎者蒼蠅乘時恣橫行日蕃日又息百千徒黨成
 方春始薨薨秋後猶營營夜以集椽壁近燭乍飛鳴
 或因月星白亂陣投窻楹朝光纔入牖決起聲鬩裏
 散聚互欺陵視我如聾盲或嚼鼻端汗撲撲相紛爭
 或吮肩項間攘攘敢侮輕或探睡餘瀝嘖睫窮其睛
 或噍耳中聒出入聲鬣鬣酣眠任受侮奮臂頻搖傾
 寃嘿倦塵扇恚呼時一聲起立攬衣席揮霍驅開閤

乍出卽齊入始滿還復盈還如賊史軍蹂躪睢陽城
投懷巧穿禪髻脊恣逸縈時於呼吸間腎喉隨唾呈
慕羶遍膾炙逐臭汚割烹携朋列盤盃挈儔窺盃罍
產白幾覆醢點黑頻薄瓊其中綠幘者口眼最利獍
翻將踏廁股囫坐飯羹嬰兒困晝睡鼻痒驚啼嗶
美人罷曉粧投奩肯短檠侍婢倦揮筆衫袖掩茶觥
熏蒸喜早濕饋餽逐鼎鑪動息隨夜晝盛衰無陰晴
嗟爾麗不億我懷焉能平驅除諒無術但願羲催征
焉得掘儒生填爾咸陽坑多口劇羣小寧免風人評
曾刺止棘態幾教齊女驚歐子賦以斥韓公詩以明

雖云物無間不憎非人情上天顧何意育此黨蚊蚤
生生且不已萬古愁黎氓誰言四海大誰言天地宏
無由避此垂長吁隘八紘雖然詎能久物理有悴榮
人間九十月雪霜交飛橫江漢冰成梁九衢凝寒清
此輩何處死凍雀飢嚶嚶一室淨如掃政好圍棋枰
時見掛蛛網枯死落書棚往往陽壁罅靜集憐痴生
恰如元凱朝四凶避簪纓從知寒暑推否泰有常程
不如清吾廬不如崇吾薨倒身臥竹簟古詩時目耕
方者側翅避肯復擾心兵蚊蚤雖至微亦能容鷓鴣
不憎亦不愛吾居安且寧胡爲以愛憎器量示硜硜

爲作蒼蠅篇慰此憂惛惛

欲哭 二首

欲哭不可哭欲說那忍說生逢壬辰年我家從此訣
東烽夜如晝廊廟催點閱列城競望風羣蟻爭奔穴
強鋒八無人急勢炎火烈君臣棄都邑淚眠迷歸轍
慈母執子手下堂泣啜啜三兄與一妹及我皆哽咽
扶携走城山捧頭肝肺熱豺虎恣縱橫咫尺免橫齧
日暮向交河竟夜行蹙蹙窮蹙已攪後十步八九跌
平明上官舟競渡力所竭亭午觸盲風生死須臾決
艱難泊豐岸外雨中飢渴雖然背負母心死顏融悅

投村已昏黑不糝羨難歡踴跚達松都盡室相提挈
亞使迎我母族行再從姪殷勤饋益米款意盃盤設
牛兔擅天險所歷悉喘噪急雨馬倒嶺峻坂劇九折
母在我背泣僵仆兄妹迭攀躋僅上上忽遇來者啞
云胡踰此爲此實賊喉舌欲後後已阻欲前前已截
痛哭還下嶺赤體寒凜冽孤店有翁媪憐我勢單子
殺雞慰苦飢燎濕柴仍爨夏秋連與麻去來憂悒悒
驚弦似羈雌局束甚縲絏山果夜拾取野草朝采擷
飢腸充不饜貪饒效饕餮不忍視母餒尋村立門闌
見人欲化糧面紅口誦吶八月阿吾灘蒼黃困据拮

兄時病瘵瘦偃地嘔且泄賊刃已跟隨骨肉應死別
我負走十里我喉氣頻絕母亦不忍前顧復行且輟
構草帶青松流光負盈缺餘鶉未掩骼朔吹還淅淅
呼寒滕高肩面皴手龜裂慈顏向我啼呵手綻百結
絮破 鱗開細將蓬薊室臘月始圖南凍餒歸心切
一子赴王事移孝求臣節歧路忽西南慈烏啼有血
賊壕夜經過心肝腐寸鐵銜枚突蛇豕喘息類含噎
弱婢行不得寒威骨已徹忍見半道死縮屍如凍蠶
辛勤抵龍城不惡生理拙荒涼舊業餘藩籬未全撤
怡怡母子樂庶可保濶契妖氛向披豁日月再昭晰

潘輿雖罷攀曾鼎嗟未列未了舞綵服奄忽加縗經
子道負立楊國計違稷契險阻苦備嘗平生付一瞥
天時屬晚晚山河猶雨雪平戎豈無策誰是邦之傑
尋經悟色舉點易悲井深萬事足悲辛此悲非屑屑
愛日日不留羲車杳莫掣蒼茫表獨立窮愁轉溟碣
欲哭哭不可爲君歌一闋

欲哭不可哭欲道那忍道生丁丁酉秋喪亂天所造
湖嶺入塵糟犬戎幾陷鎬我時在錦城見事苦不早
無男念叔母孀居病仍老具舟載一室張颿八海島
下碇憩三鄉海戍近殘堡元戎失師期賊逼勢直擣

古洲集
嗷嘈向我船肝銷口吻燥平生二三友目下剔肝腦
遑忙奉老病欲走顛旦倒蒼卒失妻兒無由問窮吳
僕徒盡散走赤子啼襁褓不忍棄道周匍匐手自抱
夜踰承達山呱仍絕乳天四面賊火紅身首將安保
避奔晝上崢庇身夜依草潛穿豺虎窟岌險無不到
謂妻已凶鋒子子空自悼飢極渴亦甚目視昧白皂
前途問莫憑仰霄唯嘿禱夜深忽遇人見我驚且勞
問我子誰某我以姓名告他聞愕且云請以所見報
晝余過蒙灘老弱急且噪有婦誓必死赴水足三蹈
數婢扶且泣拯溺燎于竈云是某家娘無乃吾兄嫂

果然卽相遇眼水劇翻潦死生得更逢似欲豁煩惱
賣環救我飢一飯資主姥我言旣見君自今死亦好
乘昏向土橋提挈循江隩賊壘四羅列白刃詎可冒
力盡立中野携扶伏林奧日出賊蠅集原野窮探討
妻云勢已急子可走避盜我卽突賊出一奴爲前導
脫身走峻途膽掉似風燾賊去已曛黑如鳥戀巢窠
蔓草血模糊十口跡如掃尋君所伏林僵屍委草藁
頸挿所佩刀挺胷哭貞操造次勢窮蹙固難免強暴
從容齒劒死壯節日杲杲獨生我何面死可蒙幘帽
赤身走聳珍精爽日以耗忍飢八九日足繭行未躁

垂死見良友惜別增戀繆巖中寄我詩至今歎文藻
何況得義士金玉亦非寶我雖不識面自言知姓號
收我凍餒骨煦濡實哺燠不謂腐餘腸轉枵充梁稻
還如翳桑餓叩腹臥熙皞邇來久不見貧病兩首皓
兵塵尚瀕洞食藿憂燥燥萬死強此生殘骸已黃稿
居然送寒暑秋風幾剝棗有時觸往事汎瀾泣悔懊
欲哭諒不可為君歌浩浩○良友即石洲
義士指金昌孝

次鳴臯古劍篇韻

任缺

蝮蝮古龍姿人知是劍稀佩以威四夷撫以解重圍
今世貴鈔刀持是將焉歸安得薦明主犀甲粧珠璣

不惟百邪遁九重生光輝雷公去莫呼埋沒誰因依

用山谷贈翠巖禪師韻贈梁子漸慶遇

萬金弊帚輕一羽九鼎重樗堪大厦支驥非駕鼓用
所以廣橋東獨作南湖夢湖堂扉障圯洒雪掠茅棟
旅食坐技窮縮瓜辭百中靜念倚間苦淚與涕垂共
危時道宜藏那得專城供盍携玄面翁湖月春相弄
贈別戚兄羅秀才之南中

凍雪擁短籬朔吹翻葦箔寒威劇秦政磬室無完壁
縮元手慵呵鼻涕垂一尺忽驚犬吠賣出邀南歸客
南歸何處歸南原湖嶺春先隴托此荒宦帶猶旅食

危時昧稅鞅，送淚如珠落。所以羨君行，遐旋就樂國。
同開更同鄉，骨肉情況篤。吁無半瓶溫，慰此臨分席。
此別政銷骨，握手還寂寞。且莫悵獨歸，應有覓相逐。
驛樓曉低月，記我精神燭。舉室去豈遲，漢水迨未釋。
寄語月波翁，春酒爲我熟。

守宮行

以後注守宮時戲吟

吾聞守宮垂世號，爲逃龍厄促鬢春。短僅以分寸容，
得之淤泥間，置諸盆池中。窟於小蒼蘚，依巢假石峰。
洋洋若得所，蛄蛄恣橫從。旣久做靈怪，吐霧以自籠。
怒擅霹靂權，勃宰風火春。震磔小科斗，謂若無當鋒。

不識滄海深，神龍以爲宮。興雲翳大地，行雨飛蒼穹。
奮迅盪宇內，睨賜生雷風。神出又鬼入，變化還無窮。
與之較長短，鵬鷃難同。雖然理不齊，吉凶難心融。
龍平或失勢，陸倒荆榛叢。烏鵲噪牙角，螻蟻噉其躬。
雖思小盆池，尺波無由通。却羨爾守宮，舊水藏神功。

長冰坂

度了馬坪泥，艱投牛店歇。凍雞喔_答簷端，行旅相呼出。
缺月脫嶺高，稀星互明滅。棲棲抵長坂，共向來者詰。
謂言苦難涉，冰亘十里滑。人行尚顛仆，獸蹄詎探抉。
策疲勢單弱，聞言怯膽裂。雙凍若墜澗，步步常戒跌。

前驢未起僵後馬已報蹶僕僮泣且嗔呵手倦束結
鄉程猶半千新歲隔數日莫前諒難却縮頸意恍惚

寄贈東岳李安訥

○選體

嬋媛德水氏系胄輝東偏斯文得蓮軒光焰遺便娟
容公適繼作騷壇掌中權逶迤越三葉陶鑄生真仙
逸鳳下丹岫天麟受寶鞭髻童騁健賦屈馬爭雄篇
摘詞樹雅素剖微鉤重玄高笑拾科第飛步凌雲烟
至寶昧天成名塗被鬼怪絕藝接皇价妙語驚華筵
胡違將相間爵帶州縣前豈惟共理良端爲歸養便
况茲錦城土素多名山川層岑汨素髓縹丘飛紅泉

不勞訪真源自覺銷塵緣喬葉有前事葛句非徒然
愧我抱瘡瘵寄世饒蹇連遐眺謾忤性歲晏增幽愴
春盛倘圖南霞月同周旋

楊御史畫像

狂鯨昔奔陸小藩困齧攫昊穹幸眷顧飭武濟崩迫
揀卜授師柄楊公仗皇策楊公仙芥人天勇協神畫
撇換威如霜倏閃氛仍廓方將盤巢窟刮剔盡黠黠
誰意抑還解敵在符先易舉東失爺孃終世懷恩澤
肅祀尚餘虔銘德還欠石忽此得丹青儼然耀壇場
風神覺竦毛符彩能動鬼吾人景繪素尚復誇夷貊

玄洲集
聖朝獨何幸用汝威沙磧我願獻此圖物色副側席
邊功與相業輕重必有擇

坦腹江亭

課製

春雨夜過微春江光照戶野憤慵不頂坦腹頽亭宇
滄波自袞袞峽雲空散聚草卉闢芳菲物象爭媚嫵
時禽鬧晴晝樂魚投深莽居然息九竅刀騷收衆怒
心靜似無極意素如太古蒼影蘸江深遲日當亭午
喪亂未相忘寬閑此收取江暝百憂集歎息非吾土

苦寒行

二首

羲鞭凍不振促景無停煦潛龍冰脫髯巖竇窮毛羽
蓬戶晝不開朔吹翻懸乳挾纒指已落擁爐毛盡豎
公子息獵車山谿絕樵斧貧士攬百結乞死生還苦
亭午罷嘔呻炙背蒼端俯猶懷負暄誠何由貢明主

其二

老項促羲輶北陸揚玄武山裂洪河凝瓦溝懸冰柱
寒淵倒蟄龍雪竇僵窮虎物類息生意萌芽縮九土
舉世盡呼寒嗟爾爲生苦我有一弓綿何由被寰宇
我有一笏犀何由暖萬戶却願煽一氣幽谷回春煦
熙熙布陽德至澤沾率普

贈趙怡叔

希逸

抱瘵愛禔几闔扉耐愉爵繁霜被丘阜勁颺振衰物
遙鴈暮流哀宿芳收蕙鬱抄秋已凌凜一氣有申屈
攀艷起循除慕類情靡訖高驥付時哲廓潛謝朝綬
枯榮肯歡感悟空師西佛彼美城北徐結游最密勿
歲晏且闕音何處舒紆拂

待漏院假寐夢江東舊居

代課

侵星肅紳弁侯旭屏公廬息形得閉竅薄睡乘公餘
精浮歷紆直角巾旋鄉間阡隴宛東南烟日籠村渠
好羽集珍叢樂鱗游清渚羣呼出巷兒鑣索理樵車
隣耄露瞠頂迎我挈醪蔬訊我好官好不如掃庭除

庭除自蕪沒王門自曳裾雀穿任簷虛犢觸仍籬疎
琴榻棲野鼯書棚肥蠹魚好官莫北北田野共舒舒
諧謔未須臾蝶化周蘧蘧急鼓怯漸班騁眄空愁予

挽任鳴臯

掩瓌不要章抱貞終自奇振藻轢漢庭樹雅排周詩
正韻緬三王變哇傷五衰嗜淡益汲古操希寧入時
郊窮轉頽頽頽藉病還支離裋薄詎煖酪糲晏難周飢
喫孽見坦率談翰莫何誰挈甕共歡飲醉市枕我歌
落鬼付時命怨罵任妻兒屈祿隱祠官登名荷心知
一病忽歷歲二豎終難醫致達固聽天未老胡至斯

柳軛劈霜曉絳旄飄漢湄親愛競攀號薤露空遲疑
病阻憑棺哭挽揭遺玄詞天如薄公者胡篤公才爲
富貴且得年彼於天何資貧窮且不壽此於天何疵
老穹竟官嘿吾寧不爲悲

挽蘇子實光震

玉英含輝溫冰質受秋清祥鸞峙梧整仙萼映梢明
雅姿迥超倫時哲藹相傾秉亮弘經敵抗鯁振臺聲
臨井忍下石護直甘辭榮宦夫互嗔妄賤子猶慕貞
蹈軌警言盲進著暎開冥行被渥豈虧隆躡顯愈蜚英
有瘼遽無起大暮欺短生顧我許以藝慨蹇出於情

微薄一步躓瘡瘵三秋嬰承凶闕赴哭將發辜冥誠
窮途顏誰憑長淚空沾纓最哀復公日新麻擢公名
薄賢怨老穹舉室悲脩程寒曦照孤燈朔吹翻銘旌
銜慟構詩澁疑夢撫心驚得健倘圖南一哭申湖塋

贈李昌期

季俗日趨洿殉利蟻慕羶跣餐視由夷棘樗爲梗枿
涓沴作廣昏摯溺誰拯旃上穹愍鑄公秉皎燭東偏
介潔鍾性質爽炳懷貞堅薰浴揔蕙鬱佩服披清鮮
亢藝捷魁科揭直羞脅肩試郵馬自遂歷縣民以便
隨蹇更著白背萃甘迤邐清今牧爲監實是名非前

地鉅難其治相擢誘自天湖界頌得宰士儕傷遠賢
奸蠹自藏伏威惠先流纏天時屬晡晚北陸玄維旋
陰霰激層颺促景冰橫川暮懷覺情慄况復當驪造
時味跡宜屏鬼怒癘難痊祖路失攀携併性增幽愴
激濁欲邇日勞外豈遐年歡友莫相惜生才非偶然

戲贈尹景悅團扇歌

光啓

贈紙戲走調景悅不出

扇爲風以設團者祇似月今胡有箇柄知從月出出
持贈有所憶此意君忖度月以比君顏風以比君德
君顏可邇玩君德可薰濯風有動且息君不動而息
月有入還出君胡入不出出入必以時動息必以節

然後方爲風然後方爲月終勉月與風非吟風詠月

願作冷秋菰

課製

炎暉恣馱焮火雲東南浮水土爲焦涸金石皆鑠流
裸臥汗欲淋纖絺重如裘搖筆更無賴嚼冰猶渴喉
却憶彼孤蒲颯爽當深秋條擎曉霜重根著寒波幽
莖從水泛浮葉受風颺颺我願身作菰長日隨波頭
我願身作菰終歲依中洲品生自淒清朱夏非所憂
然後了炎涼萬鍾非吾求

悼女

汝生土泉宅旣驚而還憐蕙質風清輕珥環在手妍

汝年方四歲提携從北遷笑語在馬上不知路且綿
交河滯一年逐隊常踟躕妙語春鳥轉曲眉遙岑連
拾果幾從園擷菜頻往田傍姆學古談偷針補衣穿
有時習新粧盪榔施朱鈿若非茁天葩恰是娃少蓮
明年儻青坡汝隨遊我邊及我客新橋汝又在我前
又移舍兄舍我偶自鄉旋汝從外舅去汝母涕漣漣
汝甥踽踽出汝弟行無牽我時欲追及雉岳杳雲烟
曠別四五載父母慈愛捐每吐苦食貧子女莫保全
雖然消息頻在他還忘旃自從爾劉歿爾舅亦南偏
謂汝子無依可憐增慈天匹馬赴原庄率汝歸翩翩

汝時別我久忽若忘前緣慟哭欲不隨嗔責強揮鞭
歸來樂齟齬從此豁憂愴相別曾幾時女規遵前賢
時穿姣服立烟霧粧神仙親黨迭來賀觀者驚相傳
誰謂患痘疫尚不假數年我適忝考官在省心如燃
罷出視其疾謂可期長延豈料熱內痞不日歸溘然
哭絕甦更哭聲痛徹重玄哭仆起更哭淚涌徹九泉
每到想汝顏臙肺如焚煎所以不汝想強食且強眠
每到記汝語叫號如狂顛所以不汝記自遣如自便
傍人說汝名掩耳欲投淵妻兒說汝事欲走出九埏
天平地乎人父耶母耶先悔不罄余祿梁肉具腥羶

令汝枵腹死蔬菜唯粥饘悔不竭余財錦貝羅明鮮
令汝露體死布葛千鶉懸悔不日抱汝手摩爾背肩
悔不日撫汝手擲爾髮巔悔不提疫鬼帝座訟婢娟
悔不割我肉飼汝病卽痊恐者網汝查恐者塵汝鈿
殤冤哭喚爺宿草秋芊芊老夫此日冒萬馬如駢闐
老夫却就木此懷方坦焉

投龍巖

癸丑重陽遊月出山

擺忙出郡城簿領謝稠擾捨馬鹿車口西日隱林抄
籃轎僧者擔冒陟脚不掉巖排危作臺澗就深爲沼
水石競清竒洞壑漸窈窕時天迫重陽霜風吹嫋嫋

千林雕錦葉疊紫照雲表爛若赤城圍蔚如彤霞繞
或如簇火傘或如飄丹旄或如赤龍鬪或如燔柴燎
或如祝融帝怨被少皞剝栖兵暗聚訓張軍戰頻挑
雖然勢振枯智水劇灌趙標枝擁楓枯絳蔓交藤蕉
山果繁細瑣其酸雜丹縹嶺石挺雄險戍削青未了
怒頑如攫挈鬪銳如輕躡辛勤抵龍庵小憇須朋僚
木末畫角終石竇驚栖鳥徑尋塔前巖共邀新月皎
年來滯郡閣政拙空坐嘯酬酢鬧公牒日夕開顏少
况復值時危何由慰悄悄汨沒送炎涼冰輪負胸臆
盆面惜黃花砌角憐翠篠西瞻海門豁天水潏渺渺

玄洲集
投寺謝憂惰張燈酌清醪清賞富詩料諧謔共年少
明朝上九井石路窮要紹高哦脫世紛宇宙目宵官
燒香發深省不眠竦清曉

投九井峰

日車轉危峭促輿緣林臯攀躋陟琬琰汗額僧告勞
艱辛上上頭目極窮遊遨石戴臥龍迹九湫留神濤
嵬巖拆天罅手搖危不牢蕭管入雲吟筐奩携蔬醪
靈飈逗林端側耳驚刁刁餘響掠余鬢脫葉隳余袍
高哦騁遐眺况若邀仙曹安期送鸞笙王母遺洪桃
溟鵬競騫噉逸鶴爭翻翺飄如入廣殿爽如聆雲致

層巒倚虛無何須煩六齧或蹲若睡僧或挺若飛猱
崔嵬勢益壯巨靈窮貪饕滄海陷乾竇造化勞甄陶
仍思初剖判混混以洎洎東俯矚耽羅西眄分臨洮
等冠若兒孫錦魚如滄漕天時迫玄冥老皞戰頻鏖
從前失淨緣獨立雙鬢搔何由遠乘桴出沒隨輕舸
何計殮楓香石髓湔腥臊向來惱簿牒徒然悲二毛
暮景得雨鮮筆勢乘酒豪落若舟解碇快若鷹脫條
俗慮了忍劇世憂瀉怵怵矯首逼帝座孰云天蓋高
同游儘雄邁侗儻皆英髦題贈記遐遊豈合登風騷

自龍巖投道岬

信宿遇重陽復此携吟筇不憚路紆直更探巖橫縱
老石陟又陟層崖重復重霜林繞火城風谷號頽龍
小憇得蒼岑鬼動心猶恂下鋪萬錦繡俯列千芙蓉
峽拆壓無底嶺屬連崇壖黃知斑細菊碧覺橫長松
歌笛已先導僧徒隨後從酒卮俯澗洗果蔬行厨供
淋漓望遠海渙若春雲濃浦淑漭回互崗巘爭迎逢
冥觀造化迹天水工繡縫促輿向道寺暗泉聞琤琮
豈但騁遊目悠然蕩塵胃微逕歷智藏引篔分飛淙
孤庵訪默禪楞伽藏佛蹤寅緣下深洞水石相撞春
楚俗矜巫峽蜀人誇臨邛泐溪抵北塘澗壑勞陶鎔

着石作高瀑猛勢者奔衝携杯聽潏潏高嘯聆溶溶
塵裾惱簿領半世悲龍鍾向來成底事兩鬢空髮鬆
政拙滯巖邑忽忽經春冬飛仙阻冉冉浮世憐庸庸
偶爾作佳會不惡傾醇醲赤葉挿滿鬢酒行忻憧憧
勝迹得爽塏俗情悲詛凶不飲欲何爲半百哀疎慵
題詩贈吾友擊節開歡悰

橋中對碁

課劉表

四老初避世隱在商顏時謂此商顏深舉世無人知
竟墮子房術出扶儲嗣危却悔隱不深走入邛山厓
邛林政飽霜橋熟黃離離四叟占兩橋道藏依高枝

邛人日來過拾取無所疑怪此兩顆大比視凡顆奇
摘來忙手剥驚諦心竟隳兩殼各兩叟相視圍秋碁
更悔橋皮淺苦致人來窺逃山逃不得漢使俄相隨
却來逃此橋又被邛人欺此身安所藏世裡難棲遲
探袖出秘符訴天其如台天乃詔飛龍五雲光蔽虧
龍來橋外伏聽四老所爲四老粲相笑相携以共騎
輕舉薄玄間茫洋何所之從此失四公異迹無由追
吾笑此輩拙三避勞心思何如在城市托混監門卑
藏身與藏名君請擇於斯

哀荆軻

上同

金丸罷投龜好手釘盤裡壯士髮衝冠素志死知己
藏劍勇豈少函首計非詭結駟躡西路目已無秦氏
晴虹忽貫日縞衣慘相視寒飈吹易水水流無時已
此去還幾日擊筑空涕泗爲設九賓迎夙願今可遂
專諸欲剖魚色動喚豎子堪胷手未掣裂袖勢已矣
環柱若神助超屏果誰使倘借所待者此計猶可售
丹胡促軻行徒死良有以可憐一朝忿重貽千古耻

集靈臺

上同

野葛纏古瓦輦路鳴湍哀問誰起茲臺古事詰樵迺
武皇信好詭土石窮民財飛接羽太清彩雲常俳個

西揖降王母踵把瑤池盃少君逞荒怪方朔徒諧詼
雲墩望不極虛殿生塵埃未聞集靈仙集靈遺空臺
昔周創靈臺經營仍子來兩代異興替後王宜鑑哉

美酒無曲巷

上同

天愍俗不醇儀氏遂開酒非唯通性靈自覺豁塵垢
固合稱聖賢兼宜呼玉友用以格神明廟社資魯卣
雖然刺淫酗炯戒在濡首釀性苟失天新豐非所取
濃烈苟得真曲巷非所後取味不取名所以悅心口
不獨取酒然取士亦難苟高門不必妍陋巷不必醜
曲巷酒亦美陋巷士有守願得取酒規置諸取士手

醉歌美酒詩疇能諷朝右

五噫歌

上同

天綱已淖滴皇道方薦瘥浮驟戾鎬南帝京鬱峨嵯
正風日以息民氣失其和登眺感宇區五噫爲長歌
長歌甚痛哭躑躅未忍過梁生信忠亮忼慨何其多
當時想隆清五噫奈老何

題圯下取履圖

上同

古橋半侵頽石老苔文紫黃茅亘四野極目無村里
誰家美少年早從圯下俟昂藏百歲翁蹣跚却從此
瞪目眇八極箕踞便吐氣謾罵示傲色脚下遺隻履

顧語彼少年取彼納吾趾少年應聲拱肅已以拜跪
周旋捧履趨衛足以手指恪敬去怠容小心如捧水
承訓劇嚴父恭命如老婢中禮出衷悃造次無僞詭
翁心感卽降去驕以折喜並悔昨所罵謂可教孺子
果爾授玄訣伊吾盡秘旨俄頃忽不見黃石堆齒齒
少年者誰某子房張其氏佐漢竟報韓神授良有以
喟此得小方尚能盡在已彼誰不潔誠欲遵洙與泗
千載撫遺圖題詩警俗士

急灘

急灘劇奔駟直瀉如瓶水嗟呀石怒豎虎牙橫猙喙

飛滂射急鏃激湍噴飛雹瞿塘不足比瀧水如平陸
舟人戒刺御裸叫歌者趾船飛不可停倒落幽泉裡
雷霆闐白日聲勢相舂挫方思失竟骨不圖全舟筏
舟定水聲死登平劇平地黃帽笑且歌夕陽明墟里
涉此悟世道丁寧戒舟子慎勿凌急灘得免是幸耳
慎勿輕風波風波息更起莫如臥田丘未絕顛沉愁

曠遊篇

祇役發龍城嚴裝投浴川松江憇鴨津鳳城深且延
同行共舍兄數子仍聯翩尊食促行輶方丈歸路綿
行行歷江岸石逕緣雲穿亭午指雙溪溪水清而漣

洞遇嶺南帥旌旆相後先藍輿度急灘石齒森如編
暫就石門迎小酌開華筵大字刻石面老苔連崖巔
仙馭邈難追風壑春飛泉倚醉各賦詩共涉雙樓眠
螭負古碑伏學士遺文鑄信宿送嶺帥歌吹窮歡妍
當晝共登輿緣崖如溜懸登登上琬琰蘭若耀雲邊
縹壁挿空碧青鶴已杳然毗廬最挺特灑氣遙相連
洪瀑倚九天千尋墜幽泉噴薄勢崩蹙萬雷聲轟聞
屏息翫瀑臺血然增幽悄倚巖撫筆迹悵然懷飛仙
尋棧首歸逕探勝踰岡阡俯險劇投井芒鞋衣自褰
達仆恐碎翬攀葛跟肩拳寅緣越林臯玉簫遙且玄

懸崖小如斗縹緲凌雲天一上已恍惚俗累如洗滌
下歷數伽藍夕鍾隨風傳夜宿更趣裝洞壑窮迴澗
步步眩玉沙錦石鳴瑤泉愴然竟骨醒快若超拘牽
愛翫坐石頻日晏猶未前下馬步涉橋高僧逢覺禪
小憇凌波臺竦然臨危淵清都與紫府未必尤嬾娟
談空對覺師况若出入埏平生遠遊意從今足償旃
歸來更塵鞅萬務來相纏何由逐孤雲鸞鳳仍笞鞭
回頭一悵想把筆成新篇

長安寺次使相韻

崔暉

冷飈挾飛馭縹緲凌積雪猶被造化弄悵此仙凡絕

清眺想新霽玉笋千層列雲磴未携筇竹房空在笏
月動漲萬瀑笙鶴猶彷彿壤虫羨鸞鳳喬岳憐蟻垤
無計踵逸軌徒然和彩筆

季秋十七夜分後連長安
翌朝使公題示一詩而使

則直上正陽余以
病落後和而連送

觀獵雉

邑荒稀按簿起慵方出畋數吏帶弓箭驅策相後先
徒眾不滿百指揮勞周旋虞人登雪岡檢獨縱原阡
駭雉莫幸生弱翎鷺高騫意在出人後勢昧落鷹前
未及窺荒棘已先加老拳繡頸碎平蕪飛騎爭揮鞭
脫鞬恣血吻控矢無虛弦日斜餉獠者魚燔仍割鮮

原頭霽殺氣鬻炙凝香烟酣暢撤解還暮角喧江天
一獵差快意聊以慰幽悁

玄洲集卷之一

玄洲集卷之二

門人慎天翊 攷

七言古詩 四十三首

詩集

邊山歌

雄巒老嶂崩劣峯峯叅錯迤邐今盤屈厚黃卒娥巨
 靈呼吸元氣兮接混茫而鬱蒼洪濤鉅漲御汨沕滴
 滂漉浩泝兮擺摩高霄激轉歸墟兮挾溟渤而仿倂
 風崖霧壑兮杳窅閭漠熊羆虎兕兮駭吼並作雷波
 電浪兮挺拔廻薄魚鼈蛟龍兮起立相籍日生屋東
 今月入戶西開閉衡門兮朝又夕一介羲皇氏千秋
 廣漠濱邈與世塵隔聊同太初隣栗里三逕淵明翁

武夷九曲朱文公一代真儒萬古清風吾今不獨無
樹立吾已喪我餘軀設不釣不築不躬耕有睡即眠
醒讀易知心北斗星識面東海若棗棗不必如瓜桃不
必如瓶罇來爽氣浮頰齒默笑西王母矐然白首往
來數數昆山陂何勞下揖穆武爲回真人兮又輕薄
三出二入令我噫吾氣浮游帶此區何如藐姑射山
神人留流之湯湯者峙之嶸嶸者萬古萬萬古蒼蒼
然直與吾氣之浩浩者澹然相友全其天不友古不
友今唯友此山山在海邊山稱邊不知實兮焉知名
無愁無樂無經營不出不處不瞻聆時見黔羸擁爐

愁我嗔欲叱天恐羞唯有高岑大壑無機如我閑我
腹三叩歌三酬

混沌歌

玄夫氏玄夫氏得之無無無是予見說阿堵無外孔
呀然窅然窅窅閔廓無依倚黝黝而黝黝黯然澔澔
蒸成大氣孕其中混沌沌以夢夢磅磅礪礪幕幕
朦朦漰漰沸沸凝凝齟齟浮流湧瀆紆彌盤匝淡淡
乎無機泊漠乎自若聚爲汗漫塊團作鴻濛殼寧知
儵忽賊七日七竅鑿七竅鑿混沌死合開而翕闢高
高廣廣九萬八千里倚蓋覆笠蒼蒼色九大龍王直

身人立縮角頭戴萬萬古龍如天老天使龍如老僕
互亘黃赤道道長如天長不極翔陽脫海海燦水沸
鵬鯨爛橫屍羲和掉轡今去來驅鳥不愁思鳧淵盈
缺光全虧妖娥老兔共蔭桂影閑婆娑旁羅二十八
宿明九重入極銀河經其間萬物萬事出兩電風雲
霜露行兩電風雲霜露行萬物盈虛四時成嗚呼天
道至于此變易無窮玄且靈雖云玄且靈不如混沌
初無營混沌若長在天不剖而青天不青地不黃我
何爲而生我無生爾無生何有是非交相爭寧吾與
爾與天俱無生不如混沌未始亡混混沌沌泮泮昧

昧不圓不方無心無目身思之不見我涕空浪浪

大雪

玉皇上帝晏臨紫極中大開北牖課歲功方茲玄冬
斗挿丑疇若予采咨臣工臣冥臣頊拜手稽首受密
詔寒龜騎出太陰宮豐隆奮推大塊鳴需需四方雲
興聲陰洒密凝九萬懸天河做出輕盈頃刻花載之
陰車萬萬又萬軸夔虛謫狂之徒總總尊尊兮搗碓
拚幢爭列羅噴風泄雲宇內濶半夜人間呼是雪始
隨輕霰細霏微漸和飛電仍交軋飄飄更蕭蕭疎疎
更密密皚皚皓皓更晶晶雩雩漉漉相凝積初凝萬

玉妃白鳳皓鶴從天扉歌舞霓裳羽衣曲扶輿倚靡
愴忘歸又疑衆神仙擾擾冠佩蓬壺顛鞭麟駕虬相
徘徊玉傘珠蓋乘風旋不然織女愁思渡銀漢裂破
機頭雲錦千萬段不然嫦娥拾得桂花秋風前留與
歲寒始飄散得非宴瑤池玉母晝下翻雲旂得非駕
銀橋千娥羅綺紛離披更訝天池水合高寒脫白鵬
千翼毛更訝滄溟寒徹蟄凍碎玉龍萬鱗甲又訝風
力兩將護軒皇神兵鬼卒莘莘縱縱天中央又如沛
公奮義聲三軍縞素魚鼈鳥駘直向西楚王又如夏
后會侯伯執玉帛者千萬國又如魏珠向齊矜照車

前後十二乘又如綸巾羽扇相追從又如素車白馬
爭來降或似聖帝御皇極茅茨土階甄素朴或似淫
辟彈民財瓊宮瑤臺衣寶玉龍超楚筵寶斗劈鵲飛
荆山羣玉落若非驚散隋侯珠無乃怒碎和氏璧填
空塞虛縱騰糅小者如手大如席千峰萬壑倏作珠
貝闕八荒六合盡是瓊瑤窟丘陵谿谷呀窪夷險摠
藏跡朱宮白屋寒門要路同一色似聞海底龍王宮
白金戶牖水精簾櫳琉璃壁映寒玲瓏瑞光如月千
門通神功鬼力信夸雄孰如天地造化幻出斯無窮
又聞天上白玉京築十二樓環五城星辰日月爲墻

屏間闔九鑰凝寒清高居上界信威靈豈若世間山
河大地一朝盡化爲琳琅蒼崖翠壁黃河黑水盡埋
沒玄壇紫府丹丘赤城皆茂實晞陽乍眩曜助月愈
的皜乳懸瓦溝暎射蒼粉脫檜頂風欺林凌亂沒松
碧秦時大夫鬚髯白覆壓侵竹節周粟夷齊義不屈
撲窻洒茅巧入幽人室布衾終宵冷似鐵穿罅漏隙
工沾貧嬾竈濕薪崇朝烟火滅櫪下鐵驪爲白駘庭
間小兒爲老翁長林宿鳥頭亦白丹田唳鶴無顏色
冰蚕得意欲抽絲越犬羣吠驚相覩眼者心想起遐
思古人寂寞今何之陳王手操辟寒犀豐貂大酒羅

幃低獸爓熾炭香烟碧美人織歌白雪曲公子快馬
長安市市上青帘誇酒美喚嘗大盃當百錢取醉不
惜珊瑚鞭三顧隆中路險澁旌旗卷却龍蛇濕中夜
銜枚縛蔡賊甲光射寒金鱗蹙騎驢有客耐苦寒吟
聳一肩高如山携鶴處士山中來灞橋十里尋野梅
龍門之賞足以暢詩襟稽山之訪無以慰孤吟北海
看羊羊不乳飢飡渴飲心顏苦蔞關驅馬馬不前吹
面入懷僵且顛或資茶鼎水或暎書榻字或臥以尚
高或立以見志英豪忠烈去如烟回首千年如隔晨
田翁有喜驗豐熟迂儒却愁坤軸弱譁譁三日弄陰

機深山大澤飛走息衝霄八龍怯寒冰脫髯戴山六
鰲畏岑頭縮殼飢熊窮虎穴中股栗口呀呀殺妃屠
子爲糧食山臙木魅遁伏坎竇眼窗窗速死寧爲夜
叉嚙金鴉斂翅讓其明玉兔晦彩羞其光地祗曠蹙
愧其薄天公謔舌辭其清雨師雷伯不能伐其功炎
帝祝融遁藏滅其蹤然後玄冥頊帝偃旗息鼓奏凱
旋蹈舞獻捷香案前玉皇大悅嘉乃績策名第一麒
麟閣分明見聞天外事夢破雪晴風亂起

朴淵歌

噫噫雄哉異哉朴淵奇吾老可以形諸詩初來動鬼

血然駭吁其可畏神難怡俄然定精目力完喜立狂
呀却興嘆天成萬古合自然鬼護千秋威且玄從知
造化擁爐鏐刻畫石狀窮其工通中可容一虬臥承
源引瀧知足峰如龜如馬如虎羊突起怒挺相雌雄
窪爲盂鉢外如磨更有砥柱當盂中水入盂中環柱
滿便從磨口遙奔衝陶崖鑄壁乃如此劈掛猛瀑乾
坤春初疑女媧練石塞天孔石落孔開天放銀河送
又疑大禹鑿石修龍門龍從石出地吐洪波涌驚翻
噴射千萬丈巖轟瀉堅穿黃壤激滂颺沫乍漠漠飛
雨白日吹山腹高垂絕懸寒氣凜宛虹畫立沿澗飲

聲崩勢迫互盪觸一壑狂雷千萬軸方春解凍著崖
微蒼龍拔蟄升天扉盛夏水滄聞十里滄海倒立搖
坤機冬雪皚皚冰徹泉千巖萬壑光相連仙人何處
降冉冉戲拖玉紳瑤臺寒最是深秋霜露染黃花赤
葉雕文錦此時瑤淙淺淺洗皓練一幅垂玄窅葉墮
泓面鳥驚救方覺神龍爲窟囿茲焉卜宅知幾年噓
雲腹雷威靈專有時水旱禱晴雨默答陰酬欽厥虔
噫噫雄怪擅地靈使人爽骨塵昏醒廬山祇垂數百
尺猶飭孟浪誣千億倘使白也者此瀑方悔當年初
見阨嗟余好奇才苦庸山靈幸許開清旭沉吟不能

模十一把酒遲回山欲夕

登挾仙樓歌

在同福縣

由湖以南實要衝雄州鉅邑連崇墉士手持經女織
縫民歌於田食鳴鐘至聖圖治致賊鋒天道還非從
逆凶兇灰毒焰塞堯封微禹誰濟其魚喁中興之靈
仗祖宗八路重蘇成國容福州爲邑小如鄜面帶長
江依峻峰伯氏爲宰季亦從始覺名區能盪胷挾仙
巍然春意濃傑麗非合容疎慵捐青斝白浮柱彤道
複樓層門以重經營結構勢橫縱飛椽蚰蚪騰脩龍
方塘如鏡列芙蓉引筧通水寒琤琮竹樹齊生間孤

松梅意正舒喧游蜂太守罷衙鼓
陽春新粧曜日華且濃肥肉大酒熏金鍾
何况年來息邊烽佳辰不惡傾醇醲
劍盡爲牛戰爲農以治腫亂如春冬
廊廟從此遠闢茸整頓南北除奸兇
耕伊釣呂皆登庸吁嗟庶頌明良逢
樓中宴罷又携筇赤壁時繼蘇仙蹤
愛民如子守身恭治效畢竟歸黃龔
太守太守善陶鎔樂而不荒終肅雍
樂而不荒終肅雍

贈姜太初 沅

佛甲之峰方丈孫拱鎮朱維南
樵門淑氣扶輿聚不

洩上受老人星光吞不于芝蘭不珠玉
間出異人相馳逐於斯爲盛古莫侔
聚奎祥符皇漢休高峰益竒霽峰高石
松川是河西流龍歸鳳逝白雲鄉我佩之
華誰與遊無人南國帝悲傷更遣夫子
參翱翔馬前行者誦太初學語小兒知
姓姜悲風北寺罷吹篴閉門讀書辭名
韁聰明管輅早瑞世腹吞五車寧芥蒂
嘿貫天人笑拙庖一朝十二猶善刀天
門射策摘頷鬚百穿楊葉知由基屠龍
手捧萬壽觴繡衣春晝萱堂香強顏趨
蹌百偕間天不欲治非才難青雲路在
白眼中黑貂裘弊愁萍蓬不如還家貪
亦好仰父俯

子還齷齪寧知鯨鬣掣扶桑齊城七十歸蒼茫五廟
香火委腥塵三京白骨撐秋旻全湖大地入塵糟投
山赴海無由逃公時提挈載一葉海童掩抑陽侯泣
賊艘噉嘈集如蠅公不變色鴻毛視公家之禍至于
此天地鬼神寧復恃斯須鶴髮隔死生人子此時何
許情公三投水賊三止愷悌方知所勞矣中丞之膝
杲鄉舌義形于辭刃難血環公羅拜服公義義士義
士無雙士終知誠孝格蠻夷夷王語夷中國之有誰
侵陵姜大夫敢有違吾吾且誅温如栗如不緇折照
襟空餘漢家月西山尚耻聖王粟有口忍飽讐夷食

只緣徒死死非節無益身名就埋沒公非強活天強
活天勸胡僧送公出烏頭白處白鴈聲夜渡河時雞
亦鳴層濤萬里一葦風誰謂宋遠朝未崇黃河果與
銀漢接舟楫如今如竹葉恰是人間化鶴仙何如海
上看羊翁當時茂陵松栢哀入室號咷頭鬢皚豈若
公誠感應速未十九年還故國宮中無恙舊雲門堂
上何曾移几席鄉間落日影皤皤鳩杖東臨大江哭
翩翩行子何所至父曰來兮嗟汝子父撫子背子俯
伏涕隨言零聲抑塞墻頭掩泣會隣里共道古今無
是事公之誠意鬼神悲公之忠孝天地知公之生還

豈偶爾天地鬼神還可恃
斑衣更秉夜闌燭今夕悲
歡夢中迹誰云經亂百口存
遂爲如初共安樂袖中
短策獻君王藥物甘旨來
還嘗我家于南久離索未
識其面薰其德綾陽縣裡
一見之辯若河漢而無極
四十九年足悲吒既聞公
名夕死可向來憂患苦相
仍彼此魚鴈知難憑近聞
出司嶺南庠道其不行宜
個惶北方之人錯是非驂
駟肯服蓋車箱窮陰催暮
天政寒極目千里冰成梁
饕風虐雪縱騰糝羲和股
栗金烏忙閑閑桑柘十里
間執子之手期相將雖然
天道自北行人言未宜居
南壩人之訛言可成虎願

就夫子問行藏北有巖兮南有龍
龍可畏兮巖焉當
信知夫子我所師夫子不言吾何之
荒詞裁罷山日
黑出門欲往忘南北

送金亨獻之海南

振南

吾聞海南南際海海深無底地
不載青鯨白鵬背負
天叫嘯踊躍連山巔蚌螺蛤蚶足
南烹珊瑚珠碧光
青筴家家橋柚傍梅叢簷簷竦
尋常清風地擅其靈
人自傑往往儻生豪雄青蓮居士
白玉峰百里之內
相追從于今十室不無人
垂朱拖紫多朝臣我家
于南今幾年十夜九夢茲
山川問君何事向此中却

美名區先著鞭知君力學不力穡學若有餘飯不足
老母瘦妻愁滿面衆雞呼飢極鴈傳聞此地歲大
登食賤如土酒如澠今君之行豈得已告歸北堂行
負米牽出廐中兩轂囊爲賀崇州市中粟從茲便解
老親頗辛苦此行寧不速此行悲且樂欲往從
之安可得自從多病便衰朽藥物几杖唯相須時當
臘月風色緊層冰積雪凝天衢強將一杯慰貧別臨
別殷勤贈一說白公善鳴有家聲我不識面聞其名
官奴字畫逼家尊篋笥墻壁龍蛇蟠爲乞一幅風雨
亂兼借十枚黃虬郊潤我屋壁香我齒珍重莫負詩

仙寄

種樹行

高交得地最早下有流皆濁山皆楮春無花事自蓬
藿倚巷蕭條茅數把律中姑洗山出雲土膏發爪吹
野馬我念東君少顏色課奴種樹如勸稼桃能花紅
實可食李杏棗梨俱其亞朱櫻百遷猶爵堯砌又易
生難死者根非擇地求易得日日何難栽繞舍花開
果熟無不可鳥集鷺坐應閒暇從今吾不負春風爲
吾須向東君謝

鼠偷郊

雌雞伏巢巢在埒雞起埒墮團在栖碩鼠豫穿屋角
來小鼠十輩從穿眈投巢繞埒欲竊取有口難舍無
手提搖之轉滑攫無那密若無聲潛合題俄然老鼠
抱埒臥四足互拱如攀携羣舍其尾落巢外遍曳共
挽將歸栖飛奔白牯何所自黃雀早侯螳螂蹊終擒
鼠與埒俱餒羣鼠在穴空悲啼噫吁嘻隨謀巧危禍
且速慎無抱埒嗟鼠兮

乞狗于宋君受

熙祚

方之酉戌國西北上受天狗精光焮散向人家種獫
狁狡猛從來異凡畜韓盧何敢較其捷宋公得之如

宋鵲牽來不掬覺天馴若亡其一搖尾食體如狉猴
骨如鐵喙長頰深牙挿戟非狻非猶又非獒善噬何
須狗中國霜郊雪獻失飛電高羽深毛不自惜逢牙
觸吻視如歸穴虎巢熊窮辟易風毛雨血洒平蕪搯
叟虞童方擇肉倏忽東西日未斜怒歸來踈餘足
功高長抱兔盡憂累累時鳴懷土臆寧將繳縫寄小
陸耻出上蔡東門逐老夫相狗蓋多矣捷武才良無
此敵一世一得尚云難君是何人得五六吾家兩黃
甚駑庸鬪骨嶭然愧狸德千年冢裡三窟中任他爰
爰與翟翟須君牽送一兩頭快喚荒郊恣搜剔不獨

山厨潤鼎俎未使村隣解妖惑千金百駟可相資
厠下猗偷休吝嗇

沙門烏憶馬使君

地窮窮髮溟洋渾黑贖蚘蚨呀呀躄沙門界別是有
北不照日月無乾坤參目九首髮髯駸駸逐人舌
腴反荆棘黥昧氛瘴集夜叉譎狂之所園穴窮惡極
乃可禦共流帝世初開源趨危背微日驅擾下車何
曾乾淚痕干將豈向春蔓澁投畀示此生生恩咋指
如萌梅遷端解網尚宜開覆盆胡爲滿額拔其一次
第投海無餘存幽新溺舊俗仍習罪有且無誰當論

骨骸鬻髓盪汨碎肉餒蛟龍魚鼈龜陽侯瑟縮地祇
同山哀浦思收煩冤上通九鑰語嗚呼帝領大宅洪
頤掀乃眷惟良二千石姓馬大夫膺其掄遙緘一二
達冕旒馬爲其政天何言詔書一日千萬里果然幽
谷回春暄終令貸得入波寬一一生息登民村天垂
白日海破暘舊鬼十百聲潛吞東來之若盪儵忽相
與賀譁羅燾幡招邀風伯借噫氣北溟未霽愁雲屯
神官牒顛帝嘉乃忍令伯道無來昆勅勒東岳業峨
靈風火急騎黃雲奔一璋一瓦手左右持贈登州宜
子孫琴齋午睡忽驚斷笙簫滿雲難攀援踉蹌一救

稱家兒萬指雲仍由嫁婚從來陰報若合符積善吾
知餘慶蕃匹夫好生尚如此何況國君刑無繁獨恨
千秋鬱結大理冤天胡忍饒秦擢竟

美人行

彼美一人誰氏子縹緲烟霧開神仙奇牙頰輔映清
臚曲眉睇鳴纖腰妍秋蓮出水月睨雲倚風耍妙霞
冠鮮暮爲雨今朝爲雲胡然帝也胡然天下秦陽城
不足迷洛妃漢女寧相肩蘭膏蕙沐播懷袖芬若滿
巾羞丹鉛不許黃金買嘖笑不效青鳥飛聯翩襄王
漫浪夢亦醜咄彼劉卽荒莫俊回頭下界無與偶矢

死空山脩竹前噫吁嘻蒼梧虞舜如可叫一曲共和
南風絃

贈而立令公赴嶺南

吾聞嶺邑國根樞軒蓋直走東南途平分八路有其
半崇墉巨鎮爭羅鋪俗素民淳因古風曾入新羅舊
版圖孤雲吉再退翁流代不絕鳴多真儒魚蓋士女
七十城度支歲賴船通租太白巖窅秘仙靈東洋藜
天鵬鯨麤萊釜沿瀕近日母苞貢踔自丹人丘滄海
不揚二百載青丘一面休干戈誰謂平首敢射天全
嶺塵糟蒙大屠金甌再完荷聖靈子遺瘡剗呻羸痛

前漁後獵毒膚髓器非周召難煦濡何幸于今得李
侯侯有全才文武俱魏斑接武鴻鴈行萬釘寶帶同
垂朱自聞吾侯任方面南人如子父母呼辭出天扉
奉綸歸擁路文馬雕軒趨行籌戎閫頓指揮惠化豈
但民其蘇防截夷情莫須疎款塞未必非窺窺去公
志宜在東吳李縑休勞防北胡我願平衡考殿最陟
登廉介驅貪懦我願巡遊慎觀察崇儒衛學興吾徒
侯今出外殿南服誰居王內陳許謨歸來勿亟且勿
遲定虛台鉉以相須征麾可望不可駐短亭斜日愁
驪駒

送李立之赴長興

春元

何年不周折崧崇全天大地傾南東千江奔會萬壑
同溟海森漫浮冲融青鯨白鵬背摩穹吹波棹浪拂
水蟲烟腥龍戶雪靈烘珠剖印纍光玲瓏星羅堡鎮
勢蜈蚣物以之夥人以豐長州爲邑寂其中地右財
鉅城稱雄自經東燹生息空嘖呻到底顛疲瘡節度
開營來總戎金湯十載藏羆熊將悍吏武民愈窮歌
吹禦戎還無功移營立府自宸秉霜臺唱和徒蟬螻
疇能慈母我孩童玉食告旰咨臣工須兼文武參選
簡銓部果以君名充丹墀再拜聖私隆大筆投處寧

強弓精悍天姿能鞠躬滿腔鬱律唯誠忠民離塗炭
就屏幪仁聲所暨宜威風舊聞天冠抗華嵩異迹幾
欲扶桑窮神僧詎龍龍若聾以法去龍山留洪斯須
金碧起梵宮大石垣土填其隙金鴨曉看影瞳矐火
輪脫海扶桑紅俄然凝霽淨青銅仿像予丑開鴻濛
我受此言西天翁足未登茲神已通君行况復逐陽
鴻羨石吐氣長如虹蘇枯伏枉仁所融洞鑿林蠻開
菑蒙公餘竹杖向龍葱孟面映倒丹崖楓歎我雙鬢
亂飛蓬迹若野鳥囚樊籠世憂關心更忡忡歲暮南
國期長終吏散蕭寺月射櫳詩料與君同磨礪此別

莫恨相怱怱

銀臺玉盃歌

乾坤委精孕山澤楚越之間發良玉玉在山是璞人
視璞猶石越商胡賈去不顧山靈秘之混瓦礫天遣
玉人一朝持璞歸持歸獻王王別之一別尚不堪三
被刑何爲三被刑三不悔惟恨至寶王不知畢竟璞
剖而玉出光射萬國參日月經秦歷漢閱過百代猶
全規藏在大明天子室皇命之工刷盃十年盃始成
一盃奚直十五城刻琢花枝與螭虎造化縮手相顧
驚方茲降冊丁寧說與劉使知朕聞海東新王神聖

姿朕欲寵之以此盃奈彼國哀錫此無其辭爾可自
取以贈似劉拜稽首稱唯唯殷勤十襲橐中携奉酬
我王俾其私我王寶士不寶寶欲却不受重是王人
遺况此酒盃不宜王曾是箕王所戒飭受之不留內
特賜銀臺直銀臺侍臣拜手捧寶彩奪目皆辟易若
非紫皇案頭落無乃瑤池王母擲有時雷雨暗浙浙
却怕鬼神中夜奪我願銀臺臣儲積緘藤慎莫失他
時掖庭滿鸞花都俞一堂歌相悅引觴祝聖歲萬祀
更萬祀萬祀萬祀更萬祀直至山崩海爲地然後吾
猶奉明王酌澤日與生靈醉

箕王
作殷

次倪天使韻

吾頗好學閎古秩唐前漢後多鳴詩雄清豪勁騁偏
能備態未有如公竒便從空中起樓閣光彩萬丈何
磊落元氣淋漓浩無垓恰如混沌初未鑿炯炯羞同
一條水蔚若鵬舉而雲停或似神女盛朝粧霞冠珠
佩披雲屏或似仙人下蓬麓鸞笙鳳箏臨丹谷溟洋
浩沔而滴汨諸山蒼翠而詭伏手扞大筆長如椽陵
暴萬類如牛田詞林羣彥盡樹領况今偏陋之東邊
揮洒雲旆爲四顧滄江漫漫西日暮飈車明發促回
輶從此雲泥接無路

贈別鶴公之嶺東

洪瑞鳳

金剛之山東海東高出天今挿海中碧色戍削十萬
 丈骨標萬二千峰同白玉磨簪今黃金作芙蓉瑞彩
 上與天光通香檀古松竦蓋屈鐵交枝柯不土而植
 今萬古空青葱祥雲彩霞幾萬重銀臺金闕耀寒空
 俯向扶桑夜夜驚金鷄翥海乾坤紅羣仙手御火輪
 升紅龍紫鶴憑冷風有時鵬怒水擊三千里金塔夢
 回瞿曇翁三神山在何處此山莫是羸方蓬徒勞漢
 使者可笑秦家童平生臥遊不可親歸與杳然隨征
 鴻羨君符彩地上仙分闔出鎮東潘雄東藩二十四

名區控挹此山光玲瓏天教詞伯作方伯却主此山
 劃然放筆開鴻濛山靈海神困陵暴傑詞健句却奪
 造化真元功山中仙人見君風標少顏色山中風月
 遇君藻翰精神窮山以君益奇詩到山愈工何似蠶
 蓋老博士一劍無由倚崆峒每憐一女滯原城不見
 四載憂心忡春天崖船上江好仍歷細柳尋吾公提
 携終老計可遂倘許仙境棲微躬高旌大旆遠望之
 紫氣東指長如虹

龍梭

紫皇宮中機上娥惱著春愁嘖翠蛾不織其錦為妾

娑戲將玉梭投銀河共工怒首觸嗟呀天缺河傾水
滂沱叱盧衡岳生龜鼉萬國戢戢魚口吐禹斧揮霍
開濤波民下櫓巢播其禾梭時泛浮掛雷坡機娥欲
將計無那爲遣八翼沿盤渦釣得其梭手摩挲非全
非石非枝柯頭尾之蟻腹之蟠山靈水怪罷撓呵造
化色沮驚天魔置諸壁間無幾何娥訴帝願龍其梭
斯須霹靂劫訶梭起爲龍欵飛過奮薄天河無缺
蹉却傍舊機爲巢窠手拗鱗角更切磋依前織成五
色羅爲裁帝衣非由他翠靄丹霞縫五紵此事恍惚
傳豈訛無乃子虛之所訛陶公去後歲月多雷澤定

在何山阿我恨茲梭未撫摩北望巖谷空陂陀龍梭
龍梭費吟哦把筆爲作龍梭歌

醒酒花

上林春回羯鼓催鶯歌燕舞隔紅霞君王扶醉端正
樓太真同凭日未斜共愁酩酊却無賴愛看玉階一
朶花探香不覺手折持芳露相將浥舜華龍顏玉臉
一時醒起立東風透窻紗爲醒君醉惡無名錫以醒
酒其名嘉千花萬花顏色死寵渥如許留天葩醒酒
花只解醒君醉君其醒耶不醒耶醒酒花醒酒好不
如更醒君心奢若教酒醒心即醒擊鼓詎催漁陽棹

噫吁嘻當時豈獨天子醒更有壽王令人嗟

視刀環

繡衣金節飄婀娜飛渡龍堆古塞水區駘傳呼漢使
至胡騎如雲擁千里鷓眼胡奴青兒表氊帳際海邊
風起大酒千鍾膾熊狼單于不驕賢王喜歌胡歌舞
胡舞觸眼惚是娛漢使座中向隅彼何人服胡之服
椎髻子不言不笑增忉怛知是漢家將軍李相看脉
脉左右視聖意無緣喻諸彼發言非是我無口羣聽
其如胡有耳目君之目視吾環數目視環良有以刀
以視斷意環以明還理以色不以言貞信激壯士已

乎少君莫視環人心不與吾心似少君少君莫視環
死葬蠻夷是所矢目視環心不視咄少卿長已矣君
不見單于臺下李陵墳一草不青千千祀

楊御史畫像歌

鎬

島夷當年踔萬艘額額東偏被塵糟忍將宗社辱腥
臊吾王泣訴天蓋高天遣楊公擁旌旄楊公千人萬
人豪好鬚若神風颺颺岸幘緩帶獸錦袍麻劉諸將
汗馬勞白拂羽扇驅兒曹幕燕穴蟻忙何逃潛巢罟
縮如蠟毛出奇效兵風捲濤銜枚直搗道山壕時當
玄冬土斂膏笑者渴喙呼嗷嗷窮青闖竇犬哀嗥春

善竹試將軍刀無端凍雨濕鉅磬壯士指落愁風餐
今之不功時所遭皇胡貶公可廢公歸去東弓載
秦東人思之父母號自公之歸誰與期歲月如流水
洎洎思公不見憂心切豐勳不啻勒石牢崔像中州
憑彩毫更起新祠敞林臯精爽豈肯依蓬蒿村羽亦
解景英髮歲時伏臘烹羊羔星眸劍眉龍虎韜聳似
快鷹辭璣條萬重清都隔雲致公今何處以遊遨噫
吁嘻得近丹青亦云叨俚語豈合登風騷

謁聖行

癸丑巳月日在朗州聞慎海翊壯元謁聖卽於

輦前賜花衣乘以御馬日中唱出壯而卽詠

銅壺浪重吐箭迅鯨吼紅樓碧宵盡戴星華覆彩霞
中內臣隨班抱金扇羽衛先導大司馬東皇開綬明
碧墀禮見宣尼珮笏齊論文講武掄才彥珠鞍繡勒
金月題天龍濯濯雲生蹄自天唱出第一仙丹桂楮
顏輝髮蟬擬嚴竣功旋玉虬白日五色雲相連

麥秋

青青昂麥族來牟雪霜賀賀猶盈疇玄冬密成函活
功春深高浪接天浮白鷺晝下欲窺魚行人暝過錯
招舟壠春烟收呼乳雉桑巔日高鳴晴鳩四月漸漸

玄洲集
芒始黃五月實粟成高秋田夫腰鋤婦戴簪衆芟羣
刈堆陵丘登場擁擿汗滴滴揮霍鬼鬼千箱輸哇頭
百稼揔朱夏獨與蚕功迎尊收食新曾憑古史吊香
餅幾入騷人謳天子蒼黃尚飽飢讀書何者忘沉流
田家大有得此驗筆無幾對麟經愁君依於民民本
農麥爲農本安君侯噫吁嘻吾君聖神屬重光兩歧
豈但皇漢休

山丹花歌

有花蒼鬱成一叢生在郡衙之墻東千條蜿蟺虬亂
走萬柯糾繆蛇蟠空垂陰落影十畝園蔓有刺兮葉

青葱與隣凡卉友衆林了無異香塵埃中前桃後李
間杏梨交開迭輝相參差此時含光無一萼蜂行蝶
過相輕欺一夜風雨狂且惡桃李梨何處落聊趁
羣花飛盡後始吐奇芬紅滿枝丹腮絳靨抗鬚黃照
耀晴晝連天光初疑縑帟繞垣高更訝紫蓋衝霄張
或如貴介開錦棚豔旆幡帟紅千層或如羽人仍丹
丘彤霞紫霧交相凝若非紫蠹與赤幟無乃血色羅
裙裳望之先驚眼生纈近之猶愁火焰揚飛芬播芳
聞十里始覺朱英擅靈異蜂徒蝶子悔昨非謝邀飛
鳥紛紛飛我今扶病強杖屨繞花百匝成一啼爲問

花神爾誰耶神言我是山丹花我曾無事究花譜山
丹最多於羣葩以余所觀今日者趨麗不在花王下
得無春事已闌殘爾獨承之令人看花乎花乎豈獨
爾世間萬事無不似榮枯取捨在一時莫笑此花無
異氣山丹之花人不取我爲爾歌良有數

愛士癖 課製

癖有愛狗馬狗有韓盧馬駮駢癖有愛花石石以其
竒花以麗狗馬與花石愛之良有以何人所愛異諸
此不愛其愛惟愛士聞名記姓無所遺片言隻字如
歸市佳篇麗什聳光價舉顯其能誰廢技公誠愛士

愛成癖愛士之誠止于此公如愛士愛以誠胡不上
書薦天子吾聞臯夔曾愛士爲舉元凱相終始又聞
二公亦愛士爲舉十亂臻治理誠能愛士之有癖固
宜如茲又如彼公今有癖癖不誠愛士愛士徒爲耳
公之愛士不如愛狗馬狗馬猶能逐鹿豕公之愛士
不如愛花石花石猶能娛目視不如狗馬與花石安
用愛之烏用是愛士癖愛士癖名愛士徒爾已

題相如滌器圖

閭闔襍杏繞康莊穀擊肩摩爭射利女粧士飭輝影
媿錦翠珠華誇列肆就中何者瘦且暍衣如懸鶉禪

猶鼻丈夫豈無糊口計自向樓前坐滌器不似青門
種瓜流豈與成都賣卜比知是兒時號犬子長慕相
如名不異
王孫置酒處隔簾雲雨來何自琴臺
日月任奔忙丈夫形容苦憔悴君家金帛豈不堆君
家大人不我思携將君我蹤跡危此生何處資身地
蛾眉尚作沽酒姑親滌當壚非所避舉市貴貨還賤
士誰使人人作楊意噫吁嘻長門當日買賦時倘見
此畫應洒淚

詩成賜錦袍

課製

風擁華芝簫鼓咽錦岫白日明羽旄凝旒碧墀望雲

物王母手函開洪桃天間玉語下丁寧催却詞臣飛
彩毫伊誰幻勾先吐鳳東方學士蒙恩叨神成斗覺
巧便遲造化縮手驚詩豪逸鶴超鸞凌紫霄珊瑚碧
樹映雲濤女皇含笑悔前塵忙奪瑞錦祥文袍面詔
才人授詞彥榮寵照耀光風騷裁來九天雲錦段文
動五色梭祝毛仙袍奚直萬金黃詩壇光價十倍高
緬憶唐初盛文藻堪恨癯儒時未遭噫吁嘻都俞一
堂屬賡載未聞寵錫酬功勞

玉鬪閣

課製

劒峰繡攢明戍削碧玉玲瓏瀉錦石中天高閣水上

頭占得爽塏專埤脉古壁依微畫雲物丹曠似爲仙
靈闢不知何王此經營却向村蹊問人客人客盍呼
對我言此是安期古仙迹安期骨格羽人種鍊服無
功歲徒積湖洄此澗學仙源太上玄君覩心跡爲訴
安生如許竒帝天皇帝前三塌額天皇丁寧答玄君安
生何人汝其籍嘿勅其人服菖蒲菖蒲誰識含靈液
安生手折菖蒲來一節九寸香而碧安生服之曾不
日兩腋忽然生羽翮笙簧幢節從五雲鸞驟鳳馭雲
間落安生乘鸞鳳馭後王母老童者相拍颺回電邁
天中央此夕人間白日白金瞳鐵髓問無處蟬蛻唯

餘雙玉舄白虬天子始聞知乃立此閣之赫赫于以
安排藏厥舄有如太廟秘龜策秦皇去後今幾年異
躅還如隔一昔言終客去猿嘯哀獨立蒼茫山日夕

龜鶴亭觀燈歌

全參判劫亭在梓川治西

一龜竄鼻抱亭立一龜躩踞向亭揖龜成兩巖兮峯
峯高撐隔一川東西對起如相答八荒六合兮萬古
百變兮無此勝我公得之天所定一年佳辰兮何況
最今夕爲留佳賓醉不省謂言今夕好觀燈此有勝
事昏可能仰視長繩幾千丈橫截兩龜睛虹直俄然
林暝到曛黃滿堂驚噪兒童戲西龜忽吐火輪飛月

身星腹赤而光東龜呀吻吸欲吞從西走東馳金盆
西龜却怕被他嚙又吐一顆追前轍每隨一吐便欲
吸誰知孕出無窮月彼吐此吸奔忙何事業瞬息飛
光八九列欲吞便却東復西倏往忽來如鬼物衆質
驚定猶莫究公言非月是燈戲我持公言怪且言燈
非活物詎飛奔魚龍之幻廣陵事雖未目擊曾飽聞
莫是九日避羿射只卜其夜揚光燄莫是五星潛委
精爲向公亭著公德不然淵中火龍潛臥千年養神
珠出腦脫頰騰雲衢不然川底水伯戲開十函百鍊
鏡掛空倚碧來照影若非驪虬睡失躡無乃隋蛇珠

暗擲或似火雞驚虜塵或似朱雀飛相逐似聞窮髮
之南天不覆大星七八浮空不滅照人國又聞西極
之北日未及燭龍萬尋舍光燭大星旣莫詳燭龍非
所方更疑今日是四月之八日今應有十方如來佛
爲感我公至道凝投散若箇摩尼珠今飛精放光千
萬層羣疑衆惑皆不釋况忽然疑費歎息公言客辨
摠外馳比如如此心無別思心如此燈可保明客胡妄
想燈外光心哉燈哉一以貫往來明微由我幻然後
方知千丈繩貫燈往來由人能縱筆爲作觀燈詩觀
燈之詩爲我規

古查梅贈林處士 并序

在朗州時聞林公子厚古查梅天下絕品林公
愛惜秘藏人不敢得賞余以一詩求之林公即
許余乃使奴取載海船余則逆還洛下苦待船
還俄聞船破失於海中即吟長詩一篇一相慰
焉

古查梅古查梅借問却從何處來輪困臃腫今不滿
一尺強老瘦千千萬萬霜頭童腹枵腰背曲筋露骨
立今皮肉龜龜雛而黃幹朽節夷髻鬣秃肩荷纖枝
今婀娜天天綠且長人間臘雪埋萬木獨立盆中穩

吐萼恰如雁鴻無極翁手拗仙葩擅竒功又如支離
疏氏花插顛顛隱於臍膝高肩又如金天老胡斫得
月中桂一枝持歸欲獻大唐家又如瞿曇老禪休糧
兀蹲雪山垠閒弄天花觀法門又如仙翁古貌乞期
猜折得蟠桃滄海隈伯夷叔齊欲瘦死許由務光將
避世若非遙從天外落應自于闐西域國胡不托根
華清階胡兔花石網中植胡然暗會風骨秀終被處
士林公得林公家住錦江曲錦江風月得此生顏色
黃金比嵩不稱直一詵猶傾四海博我時解符朗州
城戲投一詩以相索處士重義不重寶者詩未畢即

然諾爲送奴人輸海船奴人載與船人傳我歸帶洛
日月積日寒南颿問消息聞說危檣方駕海忽遇我
風吹海覆連山拉霄地軸裂舟碰撞摧了無迹此時
梅查已屑沒我聞此言淚橫臆應是龍王知此梅查
爲至寶叱馭雷公與風伯攫取孤查返滄洋付與馮
夷貢南儵更疑泛浮掛腎岑數穴王母來窺頂戴出
走向蓬萊方丈山置之銀臺金闕第一仙公室更疑
流泊扶桑與弱水上沂九萬天河擲織女娉娉安欣得
之跪進玉皇香案側懸知至珍非世有肯爲君吾兩
家物昔年風雨時向錦江鳴已有鬼神經營跡爲離

君家半海失於君於我焉知福聊期君我百年後拍
肩羽人三山下下窺洋中上蓬巔更謁紫皇薇垣前
求之三處必得一我訟三神是君物然後君吾兩人
共攀出而翱翔今樹之廣漠無何鄉古杏梅終爲君
我兩人玩後天而老凋三光

次清陰

全尚憲
取度

次竹陰

趙希逸
怡叔

贈我韻贈我仍

贈清陰

君非與俗相背馳石腸劍膽羞韋脂繳繳焉能受汶
汶任他舉世而非之道阨于偏失於倚擇得正中無
所愧城北城西心不遐胡然會合無幾何春風如天

無不至滿城桃李開遍未竹峰巉巉隔一別始知長
安遠白日宜去則去胡不去圖書一室是我所囁嚅
踟躕婦而髯是謂不奪猶不厭簿領叢中竟每飛承
君誨音如屑霏幾度欠伸覺眠臥明日卽命千里駕
別意如馬隨君馳離愁著心同著脂脂膏難濯
馬難馳孤懷俛嘿誰知之市門摩肩君不倚屋
漏靜對思無愧君有詩名徹邇遐佳篇徃徃凌
陰何邈流窮源力可至中道自畫君應未世情
岑暖何足別浮生百年如一日至人安時適來
去宇宙何處非我所居涪未改髮與髯浩氣不

餒心自厭况君茲行快若飛梅香竹翠春霏霏
淮陽清理尚可臥一鶴時竝雙鳥駕

右清陰元韻

次贈疎菴

任叔英茂叔

虫臂鼠肝任聽天不須夔與蛟相憐晦跡韜光隱城
市天麟未肯受玉鞭世上兒子盛功名豐石景鍾誇
鏡鑄強顏微祿縮大手一生口吃如寒蟬胡然聖世
坐嘲訕哦詩喫酒以爲年聞說吾君舊庄在鳳凰峰
下龜臺前胡不提携來卜居春風無邊山蒼然可憐
禿翁簿領中一唱贈詩裁滕牋

使君窮厄豈其天張目不受諸公憐玄圭白璧
本不琢驥子龍駒誰敢鞭文章大類其心性筆
端神速無雕鑄篇什橫流照當世良工絕望噤
如蟬莫歎蹤跡寄州縣猶能陳力當盛年江湖
物色付公等白鷗蘆花俱眼前幽愁秋氣近黃
落蕭殺寒風方凜然騷人例須悲歲暮佳句倘
寄蠻溪牋

右疎菴元韻

次疎菴早春行

元朝朝罷已上旬碧虬催喚紫府春羲叟驅烏路漸
斜鉅浦初魚曝鬣鱗花神暗惱青帝夢玉妃把出瑤

壺重洒碧飛空露珠香靈梧曉濕啼青鳳吹送一氣
如煨紅金樞以西扶桑東爲看蟠桃嬌欲嫩騎雲乘
霞集仙雄不啻層葩紫靄色會嚼異香果果碧招與
東皇宣帝意世間自此花紅白

巫雲蜀雨彌十旬楚水悠悠流早春章華宮殿
拂天起碧瓦截玉鋪魚鱗香風吹惱神女夢珠
閣參差曉寒重汀洲拾翠未歸來玉刻垂腰倒
雙鳳早花已學宮錦紅韶光欲到東吳東臺城
城下孫權墓野人一杯酌英雄海山半染紫霞
色仙闕玲瓏煥金碧至今不死安期生春日燒

丹去衰白

右疎卷元韻

贈淨上人

我夢入雪山山在宇宙虛無間
獅鐺鯨鼓震紫霄龍象襍沓紛
猗頑千師盡說法萬祖皆參禪
或由葱嶺隻履還或從祇園肉袒旋
或龍野其孟或鵲巢其肩叉手如來世
尊下頂禮阿彌陀佛前玲瓏五雲知見
香滿天花兩皆金蓮大慈悲爲沒量界不生不滅坐
者萬劫須臾變化如雲烟云是極樂之世界界稱佛
國名西天遽然形開還此世囊橐簿牒依舊撲撲盈
牀邊向來雖悔過去緣禮法束我如拘攣忽有吾師

猷郡門得非諸佛送來訪我深意存我欲與師踰崑崙
尋究夢裡之所云仍過太清界又謁玄元君跪受
兩家第一義歸質至聖吾夫子卽裁爾法身與我翔
翔名教裏然後方趨真實地始覺昔夢徒虛耳

夢仙謠

滄海深萬里風濤雪浪無涯涘赤城繞幾重霞光霧
影空瞳矐金沙照爛被玉地琪樹夜明瑤花叢下俯
虛無旁入極上與玉京銀河通千歲之桃三秀芝羅
榮駢孰排軒墀九苞靈禽金色獅爲雞爲犬鳴吠之
珠宮倚虛碧銀闕耀霞脚玄井紫泉蛟螭蜿蟠孔翠

玄洲集
刷翮飛鳴蒼角明星玉女充下陳日浮月湧經挾根
雲窻繡闥啓窅冥列真顏色桃花明哦真吐秘爭憂
玉笑啞啞兮雷電激電之衣兮帶虹光集羽蓋兮欣
相送風樨樨兮扶轄霧霏霏兮承幘班麟控高驥彩
鶴仍徐翔呵龍叱虎戒飛躍馴騎白鵬擾青鯨邀赤
烏於陽谷送寒兔於若英余精矚而覓交衆仙目以
不詭顧玉童而委辭詔申申其明飭毋捷逕以徑造
今我乃仙而非俗童辭訖而稱遠惕神寤而形覺尋
聲索影却無端此身猶在塵埃間不須來徃只精神
他時大藥成金丹輕輿入仙府仙乎我乎無賓主學

仙之術爲仙朋與仙作隊同飛昇爲仙之樂不可勝

椒泉歌

椒泉之泉乃在龜城郡北山山自太白遙回盤峰環
岫匝畜精祐坤絡走脉相紆蟠帝眷地祇產靈液擬
活疲瘵開壽域地祇孕秀萬萬古射出飛淙如噴玉
山靈秘貯人不知默誘神人以發之發而爲井今幾
年石甃刻畫猶宛然怒湧御汨銀箭激憤撒瀏瀏金
繩直清如清漢冷於冰味辛氣冽椒桂熟呈真逞爽
七八月罌薄林崖播淑郁或似神龍蟠井底亂吐小
珠如亂粟高飄密跳無定態細吹萬點爭投擲或如

富媪仰泉臥瀝出玉乳要我赤子咸來爵沃肌螫口
芳酷烈俾我橫目無天扎回春發蟄骨者肉伸偃起
覺開聾呻死來生歸曾不旬變呻爲謳在一沐我宰
此邑今三年沉痾入髓無由痊昨者力疾下鈴軒跋
涉蘄絕投茲泉濡首已戰惕下足先禡鬼沒背口呀
呀陷肩意塌塞收精會神始覺爽堅坐食頃方登陸
一浴已惶茫再浴愈悚縮七浴八浴猶懼怯十有五
浴纔偃息榮滋衛埋筋骨健疝消壽滅風邪伏我願
移此入畿都普活羣黎邦乃蘇熙熙可轉作春臺無
爲何必懷唐虞椒泉之歌止于此有疾不浴胡爲乎

送李尚古赴日本詩

景稷。又有序長律二絕句三

吾聞日本非海中日母之西東海東扶桑高枝可遮
攬金烏蹙踏柯葉空或從安南屈雕題琉球南蠻通
貫胃厥土產齒革金珠銅鐵錫厥木有椒丹厥羽有
孔雀髣髴習僧禪漆齒以爲爵尚勇善擊劍敢殺者
顯赫不知何王肇開國中世邦名載周籍秦漢之間
及唐宋聲沉影絕無消息大明之中方倔強東遼南
浙多瘼瘡况我國場隔一海兵燹不絕羅麗代祖宗
承開猶譚然或和或鬪由近世壬辰受躡出不戒國
無戎事二百歲今茲許平因兩好使者再返而三戾

爲揀兩价一從事從事難人得吾子膽略出等聰銳
獨忠義青天白日爆鳳闕承綸辭至尊北堂告別行
意速雙親撫背勗臣節膝跪耳受淚橫臆東洋六月
火雲蒸危檣撤換衝三伏奔鯨習鵬掉羽鬣滄海起
立雷雨作對馬一歧爭入眼一蹕萬里如過陌報謝
日王翰悃悃竣事歸來定何夕同里故人隔三載嶺
外相逢是別席路侯飛塵備供帳悵望高軒如羽客
何必贈言之丁寧所勉無非子畜積

乞書于李司果詩

登

我不喜龍眠居士墨本巧又不喜虎頭將軍筆勢妙

滄江驟雨不必微茫李成硯黃岡瘦竹不必颯爽蘇
仙案國朝雖仍羅濟麗人物不讓中華士其間畫手
世稱最屈指猶難數一二安可道李上佐馳工騁巧
誇距崙司圃金能集大成造化畢輸其精靈鶴竹兩
公兩王孫並駕共鶩爭先鳴天於鶴公委昇篤生此
絕等之寧馨王孫之子亦王孫於今爲庶飄泊湖州
城扶携老稚滯公山公山草木知姓名生知神筆了
無迹收拾萬象羅霄臆風烟動玄間造物生毫端真
宰泣訴天爲驚霹靂往往搜蒼楹有時駟騎召上去
揮掃宮縑千萬素劃然放筆已滿紙爲之躊躇爲四

顧晒彼大匠之斲木孫登之甯補衡筑張顛被髮草
聖字公孫大娘舞劍器孰如王孫綽有裕合度桑林
中注水不須十日一水十日山幾日能成幾山水唯
應不遲亦不速信手神模細山水未知詩畫孰優劣
方覺吾詩比畫拙人無作畫覓吾語吾詩先爲乞畫
就噫吁嘻莫將先後較工拙得畫得詩俱無失

漢陽俠少行走贈羅守讓

羅公五兄弟皆平時俠客而守護氏獨落湖南
見我於任實燈下把筆走贈

漢陽昇平二百祀都人士女殷且美家家鍾鼎食如

螳明粧耀日喧歌吹三門之外稱俠窟三鄭五羅唯
其最吐氣如虹聲若雷大袴緩帶相徘徊三月鶯花
滿禁城掠挾妖娥松峴隈索酒酒肆醉如泥闔殺惡
少如豚雞端陽令節好角觥力如任鄙任顛委武昌
豐川許與李高馬躍出鍾樓市爭雄較悍挺劍合聲
勢拉霄風埃起武昌許李似哮虎名聲未出諸羅氏
是時季羅年最少指揮衆俠如兒戲殺狗屠豕日復
日春風無邊秋夜月歲時伏臘銳氣加連鑣共袂爭
馳突超越人家十丈墻上城下城如平陸偷出侯家
絕代色不啻齊狗偷狐白傾都振畿畏如狼郭解精

悍人誰敵一朝海寇蹙三京漢陽文物烟塵腥豪華
任俠散如烟飢寒流落湖州城多豪多俠十無一只
有二羅飄如萍只今鬚髮已衰落驥老奮憊無筋力
龍城城下偶見之握手相看感疇昔噫吁嘻家藏亡
命報人讐侯生雖老爲上客君不見歷堦色動秦舞
陽少子血勇焉足責

大同江雪馬行贈平安方伯

玄冬至月朔颼積天黑山如死瓦色浪江之冰冰徹
底江娥凍泣潛虬縮此時何以娛我賓我公發號風
霆激我公出城中使隨我徒三人共追逐縛木爲馬

容主客云是雪馬其實木着馬于冰滑欲飛列坐相
對如登陸行厨紅粉作兩隊引索曳馬何歛霍捨彼
取此去又來女隊送迎如怨惜不步而走不羽飛輕
颼瀏瀏生兩腋况如方朔偷雷車擺掉疾馳凌空碧
又如張騫乘漢槎槎到銀河河上落又如紫府真元
君駕馭雲輶與霧轂踏天蹙雲挾飛電隨輪逐轍生
霹靂三千娥媯列廣庭爭勸流霞把深酌不然黃帝
就空曠洞庭白日拖龍翼鈞天女樂縹緲中漂越天
闔遊紫極咄彼昇舟苦行陸笑殺靈運登山屐飛馳
酣飲狎青娥仙者莫能人安得不須縱體登鸞背不

須倒身騎鯨春人間快意有如此我公何以有此樂
公之行世亦如此直駕青雲足不踟願公借我騁前
途自愧駑駘困蹉跎

再次疎菴卷韻

並左韻走押

青帝回轡纔一旬縹駟蒼絳行早春洞庭解漸圓波
起夢澤神龍濯脩鱗羅幕沉沉掩香夢別院夜短春
酒重輓轡聲襍麝臍來日高碧梧啼雛鳳宮花半染
曉霞紅晝漏乍稀聞丁東野人作社仍上墓青山袞
袞藏豪雄幻作年年新物色玉春至澤齊天碧安期
海上猶長生笑殺南山鬢皓白

又次疎菴春雨行

並左韻走押

天宮玉壺封黃紙飛霞作醞香且肯仙人拜辭出天
閑驅龍夜浴銀江水鬣鬚腹雷掀崑崙玉麻攪攪銀
盆翻錦城花重看紅濕柳眉先泣沾梅翫神功行遠
方自邇一日韶光千萬里津津不同烈烈霜百卉何
如秋爛死安得滄海爲桑田廓開萬國連人烟茅簷
未夜聽滴滴老農抱孫喜不眠

太乙宮中降青紙潛呼雨師宣玉旨老龍謝病
三歲閒雷公驅出吳潭水黑雲如漆埋崑崙天
河亂落江海翻淋漓寒氣滿空濕夢中暗愁神

玄洲集
女嬴恰如白帝行遠邇西陸光風一千里庭前
唯恐降秋霜簾外桃花滿園死蓬萊仙客濯芝
田夜駕青牛耕紫烟瑤宮玉樹真珠滴漏下三
更猶不眠
元韻

長安寺僧曇老丈詩

不羨三公九卿高揖廊廟中不羨玉堂諸彥揚眉吐
氣出入明光宮不羨萬里之封侯不羨銘鍾勒石竹
帛十載垂鴻功千羨萬羨曇老禪高臥金剛八十年
一年四序一月三旬一日十二辰風雲雨雪陰晴變
態晝夜寥寥隨時權錦繡屏風千萬疊白玉芙蓉千

萬匝日日長對了此生無營自得終老富貴中何似
人間將相業

玄洲卷之二

Blank page with vertical lines for text.

玄洲集卷之三

門人慎天翊 攷

五言絕句

二十五首

詩集

古卉

茂成自南中過扶餘咏路傍枯木

古卉秃如叟夏春無葉花烟巷得寒雨最宜來暮鴉

次贈友人赴燕

五首 甲寅

偏藩今再造一一荷甄陶辨訴在誠切莫云天蓋高

又

交權如飲酎自覺性靈陶一別悵千里况登天路高

又

送茶食而言

香蜜與瓊雪田田以手陶幻化千萬段遠寄 高

又為借花錢而言

花紙子宜買花糖吾所陶一圓當一幅兩嗜價非高

又為借兩冊而言

宋歐唐十二何以則薰陶異日携行橐能令竹嶺高

南農八詠 丙辰

冰雪乍解嚴條風愁土脉老農負初暄揮縻織未罽

右初春

蒲芽杏始花開野鷓鷀上種播更駕牛縱橫理糞壤

右仲春

花稀新綠繁隴麥搖高浪雉日當中小犢隨鋤往

右暮春

傭人方得傭羣餉醜瓮酒卸葦劇除姦驩謳稼沒首

右盛夏

荷鏹刈早粳穗茁蛇蟠臥還嫌雪翻羨間炊青豆御

右早秋

四野半青黃豆肥着花老大吠識催科斷匏翁姬開

右仲秋

新酒滿瓮香新果盈盤熟官吏把書來迎門妾相哭

右暮秋

烹萁夜勸牛未寒還墾墾凍方是膏計為明年設

右秋耕

燈花

亂堆金粟子孤映繡羅帷默會明朝喜開奩急畫眉

次淵岳諸公分韻詩作為十絕

以羣行志後先
朋息棄拘檢為

韻
壬戌

淵渟逗清駛岳竦超埃氛童習為築社世居非離羣

其二

康氏朴而古尚恬機自清文酒集鄉彥邑宰敢徐行

其三

愚老道彌篤蒼公盛文章餘子摠儒雅共會形相忘

其四

靈澍沃壯炎嫩蔬按芳酒池荷展碧圓香淨跳珠後

其五

竽籟起松檜玳環來澗泉從容任少長告出慚吾先

其六

塵魔謀病鬼縛我如鐵繩不饒數日暇安得隨諸朋

其七

冒雨返城闈天淵判仙俗福地悵獨違茂陵無消息

其八

皇天雨戲之薄厚何苦異厚彼任翱翔薄我以遐棄

其九

一日當百日四百日權娛而我有何累守官如繫拘

其十

清遊天借便已識無倦厭驪珠忽滿眸灌手空點檢

玄洲集卷之三

玄洲集卷之四

七言絕句 一百四十首

詩集

霧隱庵次壁上韻贈金德潤

癸卯

山木蒼蒼西日黃前溪水落露漁梁誰知一壑松雲
裡寂寞銷香掩草堂

題贈伯懼扇

仙區無計駐塵蹤夢想依然便是空今日水軒相笑
語可能移入畫圖中

追憶普光勝事贈寄盤桓丈

洪千景

我馬玄黃我僕單雪花如鷺擁前山至今最有難忘

處人在仙寮縹緲間

追寄翠娘

因元變聞仙娘數三姿額絕代其中翠娘者最工詩鼓琴自嶺外流漂乞食不知所之

吾儕文字少歲蕤猶患平生路轉危莫怪仙娘賦命薄紅顏如許更能詩

幽居午興

甲辰交河錄

茆堂小睡覺難去欲醒未醒還就濃山鶯過後更寥寂自在棠花零午風

永滑石

天磨錄

幽溪學瀑礫山根落木封源失瀉噴試決輕湍下危滑一時紅葉逐流奔

牧場

丙午原州錄

當時石柵手紛紛賢宰聲名到此聞却怪飛廉沂涓事不憑民力馬如雲

兩陵

宣陵靖陵

乾坤嘿嘿憑誰問松栢蒼蒼不自知莫怪病臣無限泣一江難洗二陵悲

龍門山

中天秀出玉芙蓉人道龍門第一峰亭午行雲藏半

腹山靈應爲秘仙蹤

大堤詞

月明荷葉如翠蓋重露著葉驪珠新珠落波心猶可
拾游郎隔水何由親

秋夜贈吳子英

碧樹層陰生夜涼月明虫語滿空牀可憐湖海經年
別近燭相看鬢已霜

郡城曉景贈鄭中立時

王子朗州錄

月隱西樓鼓角喧城鴉啼起始開門營書夜報將軍
至催點牙兵上路屯

是夜聞新兵使到郡

玉峰舊庄

幽溪淨石路依微碧樹陰中白竹扉招悵詩仙舊遊
處破荷枯柳自斜暉

白巖十詠

乙卯榮川錄○吳府尹樓苦索不已
病中走送

自吹空外無真像故借山光作定姿淺抹斜陽搖縞
帶卷簾長在晚晴時

閣窟晴嵐

生憎皎皎津沙白一任行人踏去迴可但夜深疑月
色更教春望訝雲堆

鼎津白沙

無限層陰天際合翠帷青蓋列郊墟斜風過雨蒼茫
色欲倩龍眼畫不如

長林晚雨

村墟暝色誰先得處處人家起夕烟
鷗翠搖青還不
散一時濃翠野桑顛

前村暮烟

瑤溪霽夜偏多月携杖人看似畫圖
靜識游鱗來食
處金波微動渚禽呼

南溪霽月

極目湖田秔稻熟不知霜露暗相催
若非海戍屯雲
近無乃黃河天上來

東野黃雲

激激幽泉寒瀉石靜憐哀玉響琮琤
纓唯可濯何煩
足笑殺滄浪濁更清

石泉濯纓

溪畔苔磯垂柳下朝來暮去不曾閑
貪看魚子相忘
樂吾亦忘吾把釣竿

柳磯觀魚

年年躑躅花開岸照耀千層水底明
開落專勝茂陵
峽何曾妄引世人行

春岸躑躅

金鷗一夜霜華重疊紫千峰萬壑同
莫向世間輕富
貴自身長在錦屏中

秋山錦繡

釋奠飲福日次慕齋勸諸生小學韻
仍示校儒
大賢非是即經綸為學功程自日新
誰識區區洒掃
地也教千聖本修身

流鷺

赤憎輕薄黃鷗子恰恰胡然啼又飛
定在垂楊還不
見野棠花外聽依稀

次石泉主人韻

江山何處有閒地塵世卽今無
好人便欲就君成卜築可能容老澗之濱

卽事贈金正字

細雨微風作早春滿城官柳一時新
誰家小塢梅花發更有琴尊清照人

早春

霜曉餘寒未解嚴日高纔聽鳥喃喃
江山滿目無春色唯有微黃著柳纖

燈花

又有五絕

花老銀缸金粟麤玉虫頭挿火龍珠
分明爲報空閨喜來日征人歸到無

龜鶴亭有感

三首

橋橫野水是龜村烟樹微茫政斷
竟忍想樓臺長寂寞夜深流月照空尊
楊柳依依掩水村小庭誰識動梅
窠山鳥一聲人不見曲闌空倒舊花尊
雞犬依然自在村梅花猶返去年
竟早知人事如朝露不向高臺共一尊

長門怨

枯死羅幃誰所憐
罪猶山積寵如天
此生可望親龍
袞一夢承顏是好緣

寒食

棠梨花發草萋萋
寒食東風客未歸
日暮居人下壠
盡野鴉爭繞紙錢飛

春日即事

少女無機唯好弄
日來攀折綠楊枝
楊枝去骨皮如
竹巧作纖纖小管吹

與李子剛共酌雙清堂

櫻桃花發鳥啾啾
池閣開筵春欲闌
爲破離愁對芳

酒不知清月上攔干

又贈別

二首

生憎楊柳綠如絲
未挽征鞭只解垂
爲近離亭何所
管遣人相別證相思

仁州城近漢陽山
三月歸人未卸鞍
悵郡樓春寂
寂落花如雪倚攔干

三月望夜雙清堂賞月

二首

月射層花照夜樓
水晶宮倚半天浮
未知仙子何如
樣地位瑤臺不是優

明月高樓三月天
滿樓花氣暖如烟
可憐此境無人

會謾道蓬山別有仙

妬花風

孰主茲花孰主風欲從天問語難通未應如許催開
地亂吹狂搖樹樹空
不喜于花不怨風駸尋斯理自能通花由天作風天
作開落悲歡等是空

三月念後雨中適無公事就睡雙清因雨聲睡
起

睡回池閣雨聲多顛倒開簾點暮花一院殘紅零落
盡更從何處問韶華

莫道春閒愁更多有花何似本無花縱使暫開還落
盡世間誰欲久繁華
願教春日益多多更對長開不落花然後獨斟無限
酒八千年作一韶華

采蓮詞

短短新荷初出水田田紫葉如小錢月明女兒唱歌
入未試淺深猶未旋

新鷺

一生有底奔忙事來不從容去又輕垂柳陰中纔數
語海棠花外只三聲

月夕有懷洛中故交

舍情獨倚曲闌西
遠樹歸鴉已定棲
人向秦京花又落
蒲山明月子規啼

西亭子醉贈權處士

偶因無事上西樓
留與青巖處士遊
長笛一聲仍醉倒
不知明月滿芳洲

田家卽事 二首

菰蔓纏籬匏繫屋
雞鳴桑樹犢眠田
日斜墟里斷行旅
童子樵歸生暮烟

田翁七十猶食力
日在野田那在家
嬌女羞人主 姬

病秋風自拾木綿花

次李內翰贈韻

香案前頭催秉筆
可將飛騎帶天涯
日邊倘得傳消息
報道傾心有綠葵

次寄吳從事 翻

滿山風雨侯蛩秋
人向湖城獨倚樓
古柳殘荷添寂寞
更堪初月照深愁

濟民樓贈金壯元

秋風獨倚濟民樓
爲愛長江衮衮流
欲向龜臺邀月色
可能移泊釣魚舟

城山韓別坐野庄

丁巳

種竹移花亦不閑
醉眠猶足避塵寰
一聲山鳥還多事
時喚幽人水檻間

次湖西方伯李立之韻

春元遊四郡錄

丹崖翠壁鬱參差
觸眼方知造物奇
勝地相逢須痛飲
莫愁秋月上江遲

鳳棲亭

白雲紅樹亂山秋
急管哀絃水上樓
揔爲明朝各星散
淚凝殘燭客離愁

聞慶縣贈權秀才尚正

竹峰負罪蒼黃日
兔棧懷恩怵惕辰
憂喜世間誰可

共遠來重訪有斯人

自榮川被拿時權遠送于竹嶺俄又奉命討捕自嶺還時

權又送于鳥嶺故云

留別李立之

朔颺如劍雪如盤
欲向西原道路難
細柳營閑春酒煖
不知窗外折膠寒

白馬江

又有七言律

戊午

白馬江深春寂寂
自溫臺古樹蒼蒼
可憐人世誰無別
今日孤舟淚滿裳

義士當時盡錦衣
古巖誰識落花悲
可憐歌舞千年

地雅有漁舟帶雨歸

稅浦泛春

花滿長洲柳滿城歸帆漠漠暮雲平春風萬里白鷗
外落日孤舟何限情

題晚省齋

在扶餘有記

身老時危塵慮微夜來意夢到江扉自溫臺下多春
草何處烟波舊釣磯
睡起茅簷江雨收不知春色滿芳洲沙鷗散後無人
到百濟興亡問釣舟

發全義向鄭旌善野庄馬上口占

處處繁花芳草多柳如青蓋水如羅杜宇莫須啼弄
我一春猶得夢還家

漫興贈李士仰

小塢方庭不受埃梅花落盡碧桃開四時羣卉迤榮
悴春去卽看還又來

窄窄茅堂短短籬落花如雨滿天時茶爐日晏無餘
事閒看幽禽浴小池

憶鄉

城西破屋倚疎籬園草庭花春雨時千里客遊歸未
得故巢應羨燕差池

贈光州牧洪樂夫

命元

向來人事極多端客袖籠鍾淚末乾唯有蒼蒼無等色望中猶記舊螺鬟

春晴旌節下雲端走檄風飛墨未乾落日羸驂還獨去芳尊何處對娥鬟

附次韻

金僉知江閣夜飲與子漸唱和

梁慶遇

月籠寒水倚虛無人在危樓似畫圖一樹梅花春寂寂夜深唯有渚禽呼

在完山寄長城

是日緣自萬馬洞到全州

經冬歷遍三營遠辛苦還從萬馬征南浦歸鴻者已

盡春雲漠漠古長城

浴川公館

送頭流錄

梅子如丸梅葉多官家閒似野人家乳雀驕喧捎過蝶半庭晴日落桐花

題崔正郎孺長幽居

脩竹疎松傍水清一生詩酒管閑情可憐巖上携竿夢時復無端到禁城

贈邊幕府

庚申

負氣懷才人不知江湖無事老垂垂今歸畫出麒麟閣始識風神如許奇

遊仙詞

綵靄輕籠玉樹寒碧峰華月照瑤壇青童叱鳳班雲
迥羣帝相邀紫府寬

蟠桃花發彩鸞啼鞭出紅龍飲玉溪此去扶桑三萬
里日輪擎轉橙林西

三秀花明五色獅彩雲南畔是瑤池一盃要與姬郎
醉青鳥徑愁八馬遲

玉海瓊田霞月曙鳳笙龍管翠蕤遙隔烟說與青牛
子莫後元朝上紫霄

宮中四時詞

年年春色亦離宮未必昭陽特地融何事月明花寂
寂淚流紅袖倚熏籠

榆葉陰陰荷葉肥水晶簾外落薔薇黃鸝似識君王
意不斷柔腸終不飛

寒螢照箔唯孤影斷鴈橫空只一聲此夜未晨愁已
老更逢他夕可能生

鴛鴦懸乳幾層長蘇合輕烟繞洞房夜海遙遙眠不
得此生無夢見君王

又

黃金錯買相如賦未盡長門如許寬欲倩龍眠堪畫

玄洲集
處落花深院月黃昏

怨臥銀床著睡難
午陰斜轉曲闌干
生憎侍婢無他
念摘取櫻桃進玉盤

風頭仙樂記微茫
雲際秋燈識上陽
應到明朝無怨恨
今宵斷盡更無腸

夜雪漫漫失瓦縫
冰波箭澁咽銅龍
卽今誰薦君王
寢愁却寒威逼玉容

贈東岳

宣城已叶滄洲趣
句漏仍成大藥方
何事風塵頻作
夢漫愁殘月照空樑

摩尼山外海如盃
縹緲詩仙久不迴
明月孤舟吾欲
放不知何處是蓬萊

夜來風雨大作仍憶京第

夜來風雨振林柯
忽忽春愁客裡多
想得故園門晝
閉滿庭飛盡小桃花

題沈家茅亭

小苑新開一草堂
郊圻春日政荒荒
柴門晝閉無人
到獨樹棠花自在香

醉贈宋君受

童稚交遊四十春
中間星散阻風塵
延恩門外多芳

草送客看花醉幾巡

途聞兩元帥以其軍生降憤慨而吟

以問安使往平山還

時路中作

虜兵乘勝疾雷奔磧裡煩冤二將蒐小國威靈如盛漢生降還有李將軍

○聞喬劉兩天將死節而姜全生降故云

走贈盤桓

○方直銀臺時洪以辭和見求詩立草以贈之

朝事八闕

漢水東流幾日西人今棄我向南涯獨留深院為誰語花落上林鸞亂啼

中興寺次性斂軸韻

一部楞嚴三角山餐松飲水法身安秋來富貴增清

福千樹霜林錦繡看

次斂玉軸韻

清磬傳時掩竹房白雲無限洞天長石壇明月縫寒袖千樹皆紅一夜霜

伴鷗亭曉吟

江樓宿客未回舟極浦微茫落木秋無數驚鴻飛不定曉來風雨滿汀洲

向葩串時途中即景

辛酉三月與遇伏蒼石遊葩串

一帶瑤溪逐路賒似將春意向人誇搖紅漾碧光凌亂處處無邊躑躅花

信馬尋幽不厭賒此行風致儘堪誇分明脚踏真
仙界莫向溪流問落花

愚伏和韻

雨中歸城

三日尋源逸興飛暫隨雲水浣塵衣出溪還復憂民
事春郭何妨冒雨歸

黃嶺寺

鳴淵泥飲共諸公不省藍輿入萬松曉月梨花山寂
寂睡回時聽上方鍾

出洞別休兒翌朝馬上偶吟

時危每惜別忽忽嶺樹湖雲路未窮洞外春陰催白

雨不堪回首萬山中

蒼石溪堂

桃花潭近小溪西無數春禽盡意啼不是忘歸好淹
泊只緣仙路後應迷

仙區風日杳難攀歸掩春城鼓角殘深院落花人不
見滿 明月倚闌干

次贈浮翁韻

癸亥 四首又有七律三

好身長鬣出師垣養子休誇百萬羣再造東天只一
日小詩何足慰雄意

右提督祠

猛士如雲勢批熊覆巢燠穴荷天同功歸一將枯干

骨幽咽江波怨水虫

右愍忠壇

洞鎖蟬娟草樹昏月宵休道有香寬此身已免坑中
落何必陽臺感雨雲

右蟬娟洞

點戍觀兵不暫留朔雲關雪鷓鴣裘能詩沈約才無
敵長笛何人更倍樓

右咏從事

鐵山

龍灣十月朔風多夜雪催冰水不波但喜將軍弓力
緊肯愁驕虜度遼河
溟海天寒殺氣收斂兵孤島不防秋將軍晏起投壺
罷閑點弓刀送獵舟

出府

乙丑淮州錄

峽裡春殘寒轉多東君何計作韶華天將一夜江城
雨為幻青山無限花

何物村翁好性情一村先獲一春生已驚門外綠楊
色忽復墻頭紅杏明

下磨訶峴始望楓岳真面

塵世間名四十春萬峰蒼翠入融神即今傾蓋如相
識為是平生夢裡親

壯巖

若呈形勝占他山形勝非難得地難何事金剛山外

立任教詞客等閒者

長安寺

厭者楓岳錦千重翠壁丹厓帶舊容
多意天公催夜雪朝來幻作白芙蓉

正陽寺

徒然春望螺鬟秀不分秋光錦繡斑
欲賞天成奇壯虛衆峰紆鬱雪中寒
生憎孤岳老僧頑謾說春秋可入山
應怕真機輕漏洩不言峰色雪中看

孟夏小望

孤懷寂寞向誰開一病支離歲月催
小院回廊人不見午風吹送落花來

王昭君

漢得親賢遠色計單于有國自當傾
可憐飛將將焉用一婦人爲萬里城
不笑竟何誅延壽奇功掩廟謨
却怕漢皇還重色畫藏眉斧伐單于

贈李貞外

景奭

二首又有七言律三

幽居寂寂俗人稀驚喜天官到野扉
共就林亭開小酌不知紅葉滿秋衣

道書盈案客來稀
浦雨湖雲晝掩扉
明日共尋歌岸路
滿山紅葉薜蘿衣

見說先生命駕稀
誰知虛叩夕陽扉
羸驂獨向亭前路
十里西湖雨滿衣

附次韻

三龜亭八詠應清陰苦索

重霧初褰野日妍
碧峰如畫落中天
隨時岸幘吟安句
爲是晴光入座偏

鶴嶠晴峰

百尋蒼壁挿澄灣
粧得濃艷葉斑
帶雪穿霞增聳色
四時長作繡屏看

馬崖峭壁

山城過雨曉微收
縣裡濃烟聚未浮
忽聽家家人笑

語好花無數出墻頭

縣里烟花

陰陰古洞亂雲間
無限長風此裡蟠
訝是層濤飛碧落
起尋餘響萬松寒

驛洞寒松

雨露休稱潤物優
一郊禾黍未全秋
神功孰與清霜並
幻作黃雲十里浮

長郊觀稼

曲渚爭誇玉尺肥
幾人携酒向漁磯
斜陽舉網喧呼罷
知是村村得雉歸

曲渚打魚

大塊炎炎火汞成
世間無地避三庚
林亭獨受涼颼迥
况御冷然入太清

三伏避暑

中元勝事寂堪誇
衆醉無歸到曙河
揔爲今宵多月

色共憐多月受亭多

仲秋玩月

花鴨

己巳赴善州時

半橫冰面半滄浪花鴨雙飛戲浴忙但願相隨深淺
水不知人世有炎涼

澹川

當時一敗將無謀義鬼忠魂恨未休嗚咽彈琴臺下
水祇應羞向漢江流

寒食

今年寒食未開花悄悄非唯戀物華想得故山風雨
裡香燭收盡下林鴉

不知巖訪旅軒

張顯光

不知不愠知亦好豈是雲深人不知不知巖號不知
意應爲人知巖不知

題張旅軒幽居

梅花如雪柳如烟二月江湖春日妍巖上草堂門晝
閉不知人到竹林前

春晦卽事

庚午

楊花落盡燕飛飛雨後輕涼透薄衣想得故園春事
了亂蜂來繞小薔薇

村溪秋日卽事

玄洲集
小澗纔如一匹練喧呼兒女澗邊苔急時爭洗蔓菁
菜擬作經冬旨蓄來

斷鴈

昨夜風驅陣鴈深曉天孤影有哀音分明落在瀟湘
岸明月蘆花何處尋

贈李士特

冰雪連天鳥嶺寒幾時羸馬透秦關應知小橐携南
味歸及家鄉作歲餐

新婦

粧成省退嘿無言羞澁低頭喚不聞暗裂篋間紅錦

短向郎要作少姑裙

落花怨四絕效老杜體

嬌花讐我至于斯欺我衰遲如弄兒一夜隨風飛去
了朝來相對但空枝

抱此煩冤誰告訴攀枝 淚強併個天非可怨花何
罪恐送狂風向此來

不怨花飛不怨風花非薄我風亦公多病誰教違把
酒獨任其咎是衰翁

祇合逢春閉門坐更教童子諱花開不聞花開與花
落此老柔腸應不回

樓巖草樓嘲主人

辛未

吾非是我我何謀身是吾身不自由一生行止天先
定虛築湖山處處樓
莫漫經營起草樓經營非是為身謀人今何處宦遊
去盡日滄波唯白鷗

經患後被鄭子容苦索強題

惶恐餘生常慄慄一春長臥起無多唯堪小雨能留
客不耐狂風喜落花

又次疇窩贈韻

與子容對酌時張持國亦會同

身事蹉跎病有加衰遲不啻惜年華故人別後空明

月新酒芳時又落花

趙公年較鄭公加鄭髯翻先趙髯
莫問相逢爛醉對殘花

谿谷和韻

玄洲集卷之四

Blank writing area with vertical lines.



